

湖北詩徵傳略

湖北詩徵傳略卷三十三目錄

監利

明 裴璉 子綸

劉忠

李先芳

夏茂

李蔚

劉在朝 弟在京

張本豫

謝璉

戴義

謝邁

國朝

劉懋彝 弟懋夏

楊自欽

曾壽三

劉鴻誥

胡象鴻

潘有麒

胡象龍

程之洛

朱昌時

曾紀常

潘家驄

龔傳猷

蔡以倬

蔡以解

郭譜

龔潤森

龔經墀

潘學植

龔紹仁

龔綠湘

王柏心

子家仕

湖北詩徵傳略卷三十三

監利

孝感丁宿章星海輯 子溥校字

明 裴

璉

字汝器官侍
郎有野舟集

子綸

璉弱冠知名舉秀才靖江王入賀見而奇之召與同舟濟江賦詩留別薦入太學爲御史不避權貴成祖謂之眞御史少保楊溥尙書劉儁知州何忠尙書張純齊名時稱荆南五君子溥稱其以豪杰之資敏達之才能得失不介於心夷險不易其節當世謂爲知言

綸字景宣永樂進士官布政贈尙書諡文僖有泊庵集入翰林直聲勁氣卓有父風正統中王振擅權綸與劉球數忤振以他

事中球罪而扼綸不得朝見英廟問曰白面裴綸何在振始不敢加害

過新冲云籬外寒山映夕暉清幽真與世相違中田收唱驅牛入遠浦漁歌罷釣歸石磴雲閒山露翠楓林霜重葉含緋交游未稔誰猶健此夜能來賞月輝過車鼓湖云極目平湖漾綠漪清陰四面拂朝暉雲封浦樹人家遠河邊荒村客櫂稀蒲葦水寒侵布被蒹葭霜重潤琴衣偶逢小艇溪邊過滿載漁竿盪槩歸

劉忠

字良臣宏治舉人
官知縣有櫛坡集

忠宰資縣未幾卽乞歸長於詩時甯藩萌異志禮聘不就繪採

樵圖答之題句云婦囑夫兮夫轉聽採樵須放擔頭輕昨宵雨
過蒼苔濕莫向陰岩險處行柳亭詩話謂爲婁妃作語太不經
邑志

李先芳

字伯承號北山嘉靖進士官少卿有東岱山房稿清平閣集

先芳荊州府監利縣志選舉門於進士皆列其名而舉人未之
及以曾寄籍濮州也明史靜志居詩話稱爲濮州人者殆未溯
其原始耳

伯承與元美于鱗同舍皆故等夷旣而七子盛名狎主壇坫元
美收之廣五子之列意寔不平晚逃於詞曲觀其詩雋一書詳
于淮北遠及巴蜀而獨黜大江以南蓋以吳楚揚粵之間七子

實居其五其微意可窺也鄱陽湖云吳人臨古渡湖水接天開
一夜南風起扁舟萬里迴波漂星子縣雲沒大孤臺卻望蒼茫
裏匡廬秋色來再過玉河隄云馬蹄日日逐紅塵白髮青山應
笑人昨日玉河隄上過杏花開盡不知春

靜志居詩集

子無垢曰吾里兩李先生其稱詩不同厯下以氣骨合神湛涵
萬有而發以雄迅意嘗超於象之表濮陽以才情赴調融治衆
采而出以和平力嘗畜於法之中譬之五音厯下則軒轅之鼓
素女之琴高張急節鏗鉤駘盪足以駭耳洞心濮陽則昭華之
瑱羸臺之簫蕭雍和鳴可使龍吟鳳下蓋所謂異曲同工者
錢虞山曰伯承未第時詩名藉甚嘉靖七子之社伯承其若敖

蚡冒也厥後李王之名已成羽翼漸廣而伯承左官落薄五子
七子之目皆不及伯承伯承晚年每爲憤盈酒後耳熱少年用
片語挑之往往努目嚼齒不歡而罷邢子愿以臺使按吳訪舟
州而歸伯承與極論其始末語已目直上視氣勃勃頤頰間拍
案覆杯酒汁沾濕子愿逡巡不敢應後爲伯承誌墓亦畧及之
今之論者奉歷下爲晉楚揶揄伯承使之捧盤盂而從小邾之
後此耳食之口論也

先芳所著讀書私記江右詩皇甫汈所選李氏山房詩皆採入
四庫書目提要稱嘉隆詩社先芳首倡厥後王李踵興遂擯斥
不與七子之列繼以憤激乃收之廣五子中于慎行謂其詩與

李攀龍異曲同工邢侗亦謂歷下名愈高濮陽苦爲所掩然修
戈倚耒未嘗一日忘于鱗也

先芳事跡埒見明史李攀龍王世貞等傳李傳云攀龍始官刑
署與先芳謝榛吳維岳倡詩社王世貞初釋褐先芳引入社王
傳云世貞好爲詩古文人王宗沐李先芳吳維岳等詩社後遂
各爲標目有前五子後五子廣五子續五子末五子之稱所稱
五子吾楚興國吳國倫蒲圻魏裳京山李維楨并先芳而占其
四亦可謂極一時壇坫之盛矣

瓶隱齋筆記

夏茂

字仲享嘉靖
舉人官知縣

楚江別意卷云抱郭村流漲山扉宿雨收江光平野色烟渚浴

蘭舟夢落吳雲曉人歸楚樹秋乘高望不極明月下汀洲

李

蔚字仲文

蔚工詩能文與雷檢討思需相友善

贈道者云輕裘已敝馬已疲男子不復少年時虛教清世逢黃石何處深山無紫芝客裏熒熒名暫隱醉中咄咄意難持道傍貰酒留君醉日暮高歌和漸離

劉在朝

號長孺字廣乘天啓進士官副使有蘭心堂喚蝶齋諸集

弟在京

桐際聞蟬云聽蟬覓蟬栖乃在桐葉下物苟秉至潔寄託不易假桐風揚遠清響益疎以雅何言一葉落玉露遲高鴻春愁云積雨銷園綺春愁未有涯餅空翻畏客麥盡敢憂花纔喜鶯初

頃旋看雲更遮重陰有如此不獨念桑麻客去云客去自成睡
村幽天屢陰湖風吹夢潤茆屋受秋深裝薄居頻換衣單寒轉
侵故人在天末槭槭想遙音新柳云春氣初噓柳柔條近浦抽
畏板先照水學舞早臨流影短難隨浪情含欲綰舟莫隨春日
長嫩碧正堪留秋蝶云西園無復舊芳菲鳳子誰教更款扉欲
嗅餘香隨葉墮幾番清夢挾霜飛疎林月白穿何見團扇風涼
撲亦稀荏苒籬邊驚粉褪沈娘秋老不堪依

在京宇野師諸生有餉耕集露草吟事母至孝鼎革後抗志高
尙感興詩有薇蕨清時客螻螳江湖閑夢繫魚蝦句爲時傳誦
浮家前半云瑟瑟鳴沙雨春初水氣寒已頒秦正朔同泣楚衣

冠避寇梁震土洲云司空避老山中谷梁震遺榮漢上洲予亦
白衣蘆荻裡捕魚沽酒吊新秋可以悲其遇矣

張本豫

字清野萬歷
舉人官知縣

渝江夜泛云江上輕帆向晚開青山周匝繞溪迴清風識得遊
人意吹送商歌水回來

謝

璉

字君寔號留石萬歷進
士官巡撫有夢草堂集

璉初官御史以忤時相罷歸會山東兵亂廷議起璉巡撫登萊
反兵攻陷萊城因及于難

飲嶽麓齋云陳氏才名舊風流君大邱院深塵自遠花密徑常
秋遺蹟存先代藏書滿故樓偏宜狂客至樽酒爲淹留許昌弔

魏武云竊據雄圖勢凜然老奸末路亦堪憐才名父子無軒輊
冀局君臣止後先橫槊氣消原上草分香花冷路傍烟黃昏車
馬牽愁處烏鵲還飛月滿天

戴

義

字叔長貢生官署丞有陶淵軒集

義事母以孝聞國變後放浪山水終於白下

過陳眉公白石山齋云峨峨白石山宛宛虬龍澤三泖亘迂迴
九峯環拱帶穿雲構巖扃疏石引泉脉爰彼高人居禽鳥共朝
夕朝夕此棲遲松老雲貌古荏苒蔚蕭森怪石羅牕戶窺戶寂
無人圖書滿阿堵外物有深情適志在烟墅烟墅洽招尋言泛
崑山陰寧陂無異采扣壑有幽音盤遊偈昏曉言論激淵深坐

此消蓬累于焉愜我心我心洵所諧尊疊復傾瀉山雨滌松帷
昔髮蒙古瓦夫子但寥寥皤然槐陰下和氣備四時甯論冬與
夏

謝

邁

崇禎拔貢
官知縣

遣懷云丈夫天地在不必歎遭逢拙豈詩書誤休因老病重陶
潛何潦倒柳惠太疎慵霜月荒荒白窺牕一笑從

國朝

劉懋葵

字稚恭順治舉
人有桂堂詩草

弟懋夏

懋葵在京子年十二以玉蘭賦得名九上公車名都下詩文
力攻秦漢不假時趨嘗示子弟輩曰近人多宗鍾譚其格纖靡
卽到至處亦不過晚唐學詩者不可不知

晚登寶和樓云清曠離烟樹浩然得我情稻香隨浦遠河影倚
闌生岫色偏當榻秋光未入城幾株松欲老一抹淡烟橫曉起
云啟戶納朝光衆香環小几山鳥啼落花若爲春所累物理自
枯榮人生浪愁喜我心何漠漠此念無起止鵬鷃孰大小曠曠
笑莊子禽言云提葫蘆沽美酒溪上活魚園中非萬事等閒且
到口豪家歌舞且復昏奈何饑人皆泣走安得釀黍萬餘石旣
醉復飽家家有泥滑滑白雲稠百步一山轉十步一溪流春來
三月付閒遊墟婦十八哲以采笑勸王孫歸去休風和草軟君
莫愁繫馬垂楊且上樓不如歸去歸去勿回顧風雨值春殘短
翮無高步况復北山羅爲爾顛顛故歸去且歸去佳山佳水傍

應有還鄉路麥熟煨磨麥熟煨磨稚子拾穗壯者荷春來挑菜
始炊烟風雨閉門惟高臥今日舉家各欣欣應知小飽勝於餓
泥深秧爛轉堪愁煨磨煨磨莫浪作確齋書至云之子今何若
佳音到草堂亂離愁八載顛倒札千行問友名多鬼全生術是
狂挑燈隨作答不盡筆倉皇雁字云遮莫三秋後書空處處飛
水經隨地注白簡帶霜威雨急文多闕天高理亦微欲圖中澤
苦嘗爲蔡池揮法帖稱兄弟劬勞有刺譏野謀存路史塞曲寫
征衣宿蓼花生夢穿雲編絕韋一鉤和月上數畫載蘆歸駭陣
疑魚豕從人問是非入春農務曠封事到皇畿眞定道中作云
古墓爲田老樹空獨餘翁仲立西風不知何代王侯骨飛作麥

花客路中

懋夏字公蕃有竹齋集與兄義同舉于鄉才亦相埒

楊自欽

字端夫康熙進士官知州有鳴鶴堂集

確山曉發云依微殘月伴征鞍
濕露侵人怯曉寒
早有耕夫忙似我
鳴鞭驅犢出林端
雪夜宿三元殿云
薄暮春寒急停橈
款竹扉菴深無俗韻
僧古得天機
劇語爐相伴傾樽
雪暗飛三更歎未歇
曇影正依微

曾三壽

字山僧貢生官教諭有月軒草

一宵風雨春聲惡
桃花落盡枝蕭索
起問桃花開幾時
過眼須臾遂飄泊
桃花無語蛺蝶飛
紛紛不言覓芳菲
花氣隨風忽過

塙東鄰飛蝶已成行詠落崑至者成絕調矣

劉鴻詰

康熙進士官知州

文漪齋云竹裏小橋一徑通鳥聲人語憶山中朱粒綠綺聞湘瑟碧澗清流隱梵鍾午枕半窗蕉葉雨夕陽三畝藕花風塵喧咫尺全消暑欲擬閑情賦未工

胡象鴻

字顛木號巢嵐雍正舉人有雲皋詩鈔

顛木素有名行邑令故貪濁輒假詩酒招延邑士而潛行苞苴于顛木有加禮獨拒不與接令再造廬鑿坏踰垣未嘗一面與友人夜泛洪湖云偶得閒中侶遽然作此遊浦虛初受月風定欲眠鷗避藻頻移櫂逢荷漸駐舟遲回來去路溪口更尋幽

春齋云高齋運甃更誰同雅意由來負此公
人笑行藏成首鼠
空勞去就問飛鴻
思添短榻孤燈下
魂斷新林細雨中
滿目繁華容易去
啼禽閒自惜春風
泛舟馬伏波廟云輕鷗吹浪散平川
古廟間尋盪小船樹色曉縈香剝露山光晴轉翠
屏煙應知西蜀英豪去已識南陽歷數綿
獨怪桐江風月叟只留清節釣臺邊
秋夜資菴堤上閒步云清江依岸柳婆娑
微拂涼風暑漸和
嵐氣遙含秋影重
水光靜斂月華多
漁舟細火緣蘆葦
野廟疎燈照薜蘿
當夜百蟲聲滿路
未妨幽伴幾經過
洪湖款乃歌云新收菰米佐鮮鱗
兒采芰菱婦采蓴
頭白老翁閒醉飽
不知官吏是何人
苻藻灣頭鄰女過
輕橈緩楫漾煙波
擡頭競問漁

郎好今日打魚誰更多尋取鷄頭港汊迷徘徊歸去晚炊遲呼
兒哺食無尋處卻在灣前理釣絲

潘有鯤

字圖南號波村康熙布衣

贈歸元和尙云高僧罕人事終日閉其門一室守明月半榻臥
山村偶放籠中鶴依松看白雲飲劉氏山堂暮歸云飲罷歸來
晚空山夜氣森月微高樹隱霜冷薄衣侵一水斷荒逕孤螢明
野岑鄉思將欲斂何處動寒砧濯纓臺懷古云薄暮寒郊野色
蒼荒臺百尺枕滄浪鴉號古木西風急鴈下平皋落日涼漁父
煙波誰和曲詞人香草漫尋芳濯纓猶指平湖水楚些招魂此
故鄉秋興云萬壑秋聲動地號蕭蕭木葉下平皋天低南浦雲

容斂雨歛西山日色高千里歸程空燕壘九霄風力起鴻毛我
生世路傷多梗拔劍悲歌強自豪

胡象龍

字占六

占六生於康熙時雄才健筆同輩鮮與爲敵身既不遇後嗣又
不振無力梓行故所著多散佚不傳

占六嘗於黃鶴樓賦詩云秋色凭欄入畫圖神仙何必數方壺
兩峯挾漢南肩楚一正長江東走吳酒價騰高思鶴舞笛音飄
渺倩風呼長留明月一輪滿俯看奔濤興亦孤某中丞見之深
賞兩峯挾漢一聯之雄傑推爲才子而以興亦孤卜其後起之
無人謂亦字當改不字訪其後裔於邑宰果皆力農世服中丞

之識然就本詩而論究不若亦字之有神韻也

程之洛

譙樓落成侯童麓邑侯中秋譙集云秋色宜於月秋月宜於樓
古人良有以登眺恣嘯遊玉沙城中秋色多玉沙城頭月自過
自昔有月無月樓夜長夜短如月何使君愛月如愛已特地譙
樓對月起月旋天際漏旋地聲聲響徹銅壺裏銅壺裏月月滿
壺金石絲竹交懽呼樓月相得渾賓主月色照人美且都爲樓
爲月發高歌高歌一曲興婆娑願言樓月長千載願言對酒挹
金波行矣哉待漏金門下金門月皎皎玉沙一片明無忘樓月
曉

朱昌時

字亦常
諸生

有春日示園丁句云紅滿林端綠滿垌好乘佳氣示園丁荷鋤
可使除非種汲水須教掃浪萍帶雨澆蔬和露長隨烟植柳共
雲青忍寒勿負梅花月瘦影深宵待草亭

曾紀常

字端錦號石顛貢生
官知縣有全樸堂集

雜諷云鼠託社蜂寄稷社稷不食蜂鼠食汙神之衣嚙神膝除
之未得嗟何及紅女投梭娼婦被農夫力田倉鼠費巧鵲爲巢
拙鳩睡智者造物愚者敝聖人惡用爲深計斗粟尺布糴鉏德
父一毛可增千里徒步吁嗟揮金非細故屢櫛不如一沐羣居
不如獨宿聖人不貴安知非福庸人不賤安知非辱高歌不已

安知非哭過漂母祠云韓侯決妙策神異古莫比登壇只數言
燎如在掌指豈其未遇時一飯無謀理自來邁俗人失意類如
是世人眼盡肉事後論而已韓侯終貧賤母也焉至此一飯至
今傳所遭母幸矣獨念雉兒驕弓藏走狗死等是婦人心險夷
難一視我行經此地浩浩長淮水憑弔古今情憂傷萬感起母
其可復生不少無雙士種竹云以少物爲貴雖多君亦珍依然
同卉植所具獨精神和豈皆從俗清非不近人間居能有此似
亦未全貧免俗纔今日成林更幾春塗窻微有致掃月遠無塵
肅肅常秋氣亭亭卽偉人阿誰能徑造野雀與苔鱗賣劍云王
孫艱一飢長劍不離身我故非雄杰君今向甚人無顏光共黯

減價氣難伸莫訝時時吼應憐但濟貧謁楊升菴先生祠云時
論無如繼統平天倫爲重位爲輕臣心愛主常多激子道尊親
亦至情泣諫原非辭一死投荒無復倖還生斯人不向此中老
今日憑誰俎豆榮虞美人花云數枝窗外結芳叢名姓堪憐霸
業空舞袖自沾春草綠殘脂猶滴淚珠紅秦關寒雨迷荒苑漢
地秋風冷故宮戚氏含冤呂雉穢也應有面見江東秋扇云若
謂人情薄先除天氣涼此中如悟得悔不早深藏胥江夜泛云
春江風月自夷猶兩岸清聲笛倚樓伍相祠邊空有恨吳儂歌
舞未曾休始皇焚書云文章有用終難滅謨典焚餘到底傳但
使等閒將覆瓿不如齊付祖龍烟

潘家驄

字驚臣
諸生

讀漢高祖本紀云運籌自喜臣三傑議禮偏難屈兩生講學臨
雍他日事漢家人物讓東京讀博陸侯傳云大計頻煩社稷臣
衣冠圖畫冠麒麟已輸安世爲駟乘何似阿衡早乞身天子竟
亡微日劔元勳誰徙哭前薪蓋棺功罪猶參半徒使乖崖戒後
人

龔傳

字雲舫嘉慶
進士官知縣

題雪天行乞圖云高乞何愁風雨侵板橋流水氣蕭森冷霞鎮
日希仙骨嚼雪空山証道心豈必臥袁驚令尹還疑訪戴出山
陰關心最是寒梅友饑忍溪頭策杖尋

蔡以倬

字卓人嘉慶進士

卓人天資學力俱超凡品文筆高華典寔光采照人古今各體詩瑰麗豐碩所爲樂府奇逸豪放雅近陳其年蔣茗生

聞馬柏坪大令出塞感賦云初聞姓字入彈章有詔微臣出朔方自是聖朝寬執法從來名士半投荒天垂落日臨關紫風捲驚沙入塞黃知爾夙耽懷古癖好尋殘碣到燉煌敢道清時有棄才沙場真見幾人回怨深楊柳春風斷吹落梅花曉角哀立馬高臨星宿海射鵬遙過赫連臺可憐一片關山月流照還從故國來看徧祁連十萬山征人遠上白雲間夢尋骨肉歸汾水生捧頭顱出玉關萬里孤臣悲貫索重幃雙淚望刀環君恩

不作風霜苦會看金雞放赦還

蔡以僔

字黃樓號季舉
有蔡季舉遺集

以僔生具騷才少年初學爲詩落筆便古出語便奇驚材絕艷
遺世獨立真有不可一世之概惜以陸機入洛之年卽赴李賀
玉樓之召邑宰唐公子方爲刻其遺稿以行

南郭古梅銘吾邑城南有三百年古梅一株臥地半死半甦寒
甚時著兩三花乃爲之銘云朝涼暮涼霜霰白大寒小寒窖冰
雪古蘚癭瘤漬紅血誤筆墨龍奔救月上下鎖鈕生銅鑲古魄
現影幽吟咽嵌心如洞人可越土怪髮綠鬚焦墨或左或右立
魃屹二百七十年不蹶有明正嘉年始植古城荒濠陰風黑黃

月微微藕冷魄我繪形神失顏色古媚莫肖肉強偏冬夜懷人
云白頭吟望苦憐才袒褐論交酒一杯兩目已空天下士一燈
親見古人來名山風雨懷程雪今古文章只絳臺六百言詩情
鄭重開函如聽夜猿哀

吳湄文

萬人擁看劉才子君有才名我

亦僊如此牢騷何處著果然名下不虛傳平居怒髮三千丈狂
倒江山七百年此去揮毫金殿上清平遮莫咏三篇

劉天民

一

帆天外下雲霄離思篝燈子細挑三載夢魂今夜雨千秋性命
兩人交大名字宙艱難得絕世文章福命消可訝分馳南北後
相思何處各深宵

宗滌樓

記曾黃鶴高樓夜一笛梅花吹汝來

歌哭江湖同作客風塵性命孰憐才十年夜雨青燈影幾日春

風白玉盃不訝秋來少鴻便鷓鴣應上越王臺

龔侍彤

天壤王

郎雄一代大言在舌不能捫才名霸楚萬人敵詩勢强秦六合
吞磨蝎孟韓同立命河梁蘇李劇消魂不將姓字留文苑天意
蒼茫那可論

王筠亭

武昌門外柳絲絲惆悵名園話舊知江上

青山才小別秋風紅豆最相思匡廬晴瀑三千丈古硯心香十
二時一紙瓊箋遲未報夢魂難忘蓼花詩

陳九香

榆村才大今

坡老虎視詞壇氣不羣十載瀟湘先我客九疑風雨正思君張
皇幽渺燃長夜寢饋周秦作古文一種青山黃鶴夜有人彈劍
淚紛紛

秦榆村

賤子悲歌重慷慨先生跋扈太飛揚窮廬悲嘯

天空曠猛士中宵劒激昂千古是非容易定一生知己最難忘

文章萬丈光芒在何物羣兒敢謗傷

韓慕廉

匆匆曾記送行舟

殘照江聲共一樓貧賤交情離別苦神仙殘夢酒杯留得君纔

有滄浪館似我能翻鸚鵡洲不是男兒慣凌轢素心原不博公

侯

劉蔭喬

雲中吾楚無雙士每誦君詩愛似珍我過重湖平蜀

道天開山峽出才人結交浪說黃金少相馬終慚伯樂真顏色

屋梁能憶我南尋李白定相親

王魯之

有客瀟湘獨奇樓淋漓

十指滿滄洲短衣我愧歌牛角畫壁人爭說虎頭湖海平生霜

髯短關山到處雪鴻留何時添我茅屋住待約先生共聽秋

邵

鄰白

每從詩卷想南村因折梅花憶故園李杜文章光焰大古

今名士布衣尊神仙騎鶴猶爲客風雪如君好閉門何日雞豚

歸有約一尊相對細重論

郭南村

如此大江如此月神風何處

引君來一從李白騎鯨去千古英雄安在哉我輩詞場真跋扈
側身天地試登臺茫茫四顧休回首愁絕金尊爲爾開

潘子尙

郭

譜

字南村布衣
有南村詩鈔

南村少喜聚書治圃築室羅致花竹不樂進取喜吟詩尤嗜淵
明集章仿而句範之久乃汜覽唐宋至國朝諸家以精刻警

鍊爲宗性簡澹恬逸遇高人勝士舉觴聯吟窮日夕不少倦長
吏聞其才名欲一見之卽鑿坏而遁其高節如此壺天閣觀元
資福寺鐘云天吳赫怒移海水駭浪倒卷五千里荒江華鐘鱗
之而化作蛟龍蹴浪起電激雷猶猝難伏八九雲夢飽饒腹磨

牙一怒龍龍奔戰血元黃滿巖谷百年傲性差能馴瓊宮日與
龍螭親赤帶不赤翠鱗盡依然面目全其真搜奇我來披荆棘
幾度摩挲等銅狄歛忽長愁霹靂飛尋常未許鯨魚擊鴻文寶
字留皇元風雨辟易不敢蝕乃知靈物自神奇搗詞不假鬼神
力東方道士今難逢俗眼誰識鐘非鐘安得嶄然現頭角亟掣
金蛇驅雨工鐘明季大水自西江浮來聽琴云微風吹夜月冷照石潭陰何
處聞流水美人彈玉琴雷翻巴峽急雪捲海門深千里昔相憶
今聞絃外音崇勝寺題壁云萬松園不住絕頂露禪關繫馬日
初落看雲僧未還昏鴉無去志古佛有慈顏不解清泉意奔流
總出山月夜湖上訪友人不遇云遠移松葉屋老住石塘烟終

歲飽養焚全家疑水仙夜凉新遇雨潤小暑通船載月偶相訪
弄鷗猶未還讀鵲山小隱詩云雲霄無意逐鷗鷺廿載緇帷息
羽翰薄宦不妨稱隱士各山剛好築詩壇定從韋柳門中出謾
向鍾譚壁上觀團扇傳神金鑄佛人間未信賞音難登壺天閣
云振衣直上白雲層十二闌干取次憑奇氣最宜天外吐高樓
難得故鄉登三巴雪浪當簷落七澤蛟涎帶雨騰疏鑿忽思神
禹蹟摩挲古碣問山僧題龔小雲詩云千里趨庭劍外秋登臨
一洗浣花愁詩情雅愛清如雪曾向峨眉絕頂遊

龔潤森

字木民道光拔貢官
知縣有大螺山人集

木民英姿卓犖氣概不凡工詩在輦下諸公皆推之文豐磨鍊

達尤長論事日未移晷草數千言立就犁然曲當人意

王柏心云樂府各章其雅懿者似陸清河傳鵑舫之擬古其深
摯者直埒西漢歌謠矣五古力追正始婉約淵微唐則射洪蘇
州明則仲默君采神骨風采靡不畢肖唯投贈數篇有稍軼繩
尺者然雄駿博辯亦不減蔡澤之說應侯也

獨漉篇云獨漉獨漉泥深陷足不畏陷足但畏沒腹沒腹猶可
滅頂及我文鸞鍛翮燕雀抑掄駢驥繫足不如蹇驢虎遊深山
弱肉強食我欲彎弓奈無神力狂風不休毋渡中流何爲懷憂
念與子同舟鏡換刀歌

余曩得牟將軍寶刀潘叔處見而愛之易以宋宮鏡因作此歌

云寶刀

三尺橫秋水明鏡一奩絕塵滓刀能立功鏡照心適用何須分

彼此君不見牟將軍當年叱咤生風雲此刀曾殺百萬賊巍然
身作開國勲潘公子今詞宗謂我寶刀詩甚工索刀再三勤拂
拭重是神物隨英雄袖中出視宋宮鏡一堂清若寒冰映遽思
以璧假許田未屑徒爲烈士贈解刀奉君心鄭重感君豪邁特
殊衆世上已無事不平吾儕得此將焉用君試挂壁伴高吟夜
夜助作風雷音我亦時將青銅拂照出百煉金石心寄懷寧海
王香坪明經云語溪春酒別同袍三載相思首重搔江漢水趨
吳地遠東南雲阻越山高重來感事凋雙鬢何處逢君醉濁醪
聞道傳經多勝概未妨垂白臥蓬蒿

國朝正雅集

龔經墀

字丹廷號小雲拔貢
有味外味齋詩集

懷蔡衡湘云蜀道青天上崎嶇我向經老猿啼夜月急瀨走驚
霆念爾從茲去斯聲不可聽吾廬修竹好佇待醉芳醪九江雨
泊有懷白太傅云孤篷竟日雨瀟瀟弭櫂潯陽暮色饒薄霧遙
迷廬阜影雄風直湧大江潮城頭鼓角聲悲壯亭裏琵琶響寂
寥苦憶當年白司馬青山無恙水迢迢蕪湖舟中懷南村芷裳
黃樓冬壽云布帆無恙指鳩茲碧水青山動客思濁酒不辭今
夕醉愁懷祇合故人知吳江波闊魚鱗杳楚塞雲寒雁影遲底
事天涯淪落久風餐雪虐誤歸期西湖絕句云行宮金碧燦樓
臺山色湖光望眼開羨殺此間閒草木十三度見翠華來
聖祖凡七巡浙江至秦淮泛舟云黃梅雨止晚晴生一舸秦淮載酒
高宗後經六巡

行樓上珠簾樓下水橫波相映不分明

荆湘知舊集

潘學植

字子向號芷義道光
舉人有欲齋堂集

學植天姿英邁學問深宏於文諸體皆工王賈九學使以全才
目之生平篤于內行人無間言

邑志

兄生而穎異若齡作韻語爲先世父蔭臣公所器嘗以先從高
祖波村公期之用是來自淬厲經史制藝而外特解苦於詩

古意云秋霜一以肅丹楓蔭長陌妾心楓樹丹妾髮秋霜白昔
恨青銅鏡但照妾顏色座右銘云瘳狗不投河狂馬不觸木飛
燕不幕巢飛鴻不樹宿物性固當然觸機戒輕觸愚者昧履冰
達人憐臨谷九天一何高大地一何寬如何樓塵網坐令彤朱

顏含沙不在水白額不在山人心有戈矛乃在談笑間送晴勝
云之子如寒鳥竝無枝可依鄉心驚落葉江色上征衣明月懷陽
樹白雲黃鶴磯著書須更富吾道豈全非古寺夜坐云童子垂
頭睡老僧攜鉢歸寺荒門閉早夜冷客來稀鶴夢不離樹花香
時上衣悠然鏡明月清磬發禪機山寺看桂懷南村云上方如
此靜零露濕庭柯涼夜得秋早古香供佛多美人共明月何處
發高歌欲摘一枝寄遙遙湘水波懷人詩云風雪送君去江梅
笑向人思君今日苦楊柳爲誰春故里荒榛滿良朋墓草新
謂蔡
衛魚書遙寄我一字一傷神
王子齊
比部楚江煙雨渺詞賦易悲秋
遲暮美人感別離兄弟愁昨余得雙鯉聞子已荊州良夜共明

月扁舟何處遊

蔡黃樓茂才

高歌常擊筑小隱愛逃名白屋仍如故

朱顏忽已更豪情爭髮短春草共愁生載酒尋詩地迢迢古郢

城

陳琴希文學

草檄頭風愈彎弓金石開侯封屯骨相吏隱老雄才

冷帳孤鸞夢殘年甜犢哀愁聞天末鴈清怨卻飛來

左季穎通守

冬

夜云黃葉蕭蕭下聽鴻獨倚欄薄雲不成雨暈月易生寒客思

爭省承人情共歲闌料應小兒女計日數征鞍題藻湖垂釣圓

云蓼花開上岸秋意洗塵襟垂釣者誰子藻湖深復深橫吹老

漁笛高和水仙吟吾亦多幽興煙波何處尋湧翠樓晚眺云餘

暉澹將夕秋閣易生涼殘果留寒翠空山近老蒼詞華梁苑盡

霸業渚宮荒馬識後來者高歌有楚狂重陽獨酌云當杯不飲

惜嗟跼載酒高樓獨嘯歌千杵寒砧催歲暮滿城黃葉奈愁何

至今楚客悲秋易終古重陽苦雨多記插茱萸借二妙

謂南村小雲

晚風涼月醉煙蘿題桃花扇傳奇四首云歌場舞席快須臾三

百年來此樂無曲寫烏絲關廟算詔求紅粉急兵符偷安半壁

魚遊釜多難中原鳥集枯老去詞人留史筆眼看麋鹿上姑蘇

玉樹南朝首重搔家居撞壤惜兒曹東林黨禍巢俱覆委鬼游

魂氣尙豪藩鎮有權爭雀角甯南縱死藐鴻毛元戎一綬千鈞

挽血淚潏潏溼戰袍滿地烽煙殺氣驕秣陵風景頓蕭騷美人

亦附清流重狎客能成古道高舊恨難淘淮海水重遊不見武

陵桃二分明月真無賴曾照笙歌飲興豪軟水溫山廢不留繁

華金粉忽回頭桃花歷亂成紅雨
絨扇荒涼已素秋商婦琵琶
新曲恨宮人天寶暮年愁管絃爲譜興亡事歌哭當筵感未休
詠史云座上交遊酒不空平生肝膽與人同如何巢覆無完卵
獨有元升哭孔融擊筑高歌壯士驚圖窮匕首竟無成何如巾
幘英雄氣白日都亭血刃橫

龔紹仁

字九曾道光進士官
主事有龔農部詩稿

九曾少英邁弱冠舉於鄉及改官戶部不樂處郎署假歸息意
仕進沈酣古籍盡發之于詩歌資稟絕人益以覃思深造上溯
風騷下迄杜韓凡有作務殫其思之所能鉤致力之所能追躡
奧衍閎深瑰麗雄驚必與古人貌合神肖然後出之意乃大愜

于輩流中少所許可狹其體格或不一盼睨其刻意如此

布裙歌

康熙初周總戎士元幼依外舅蘇時夫人亦幼勤使從軍周官貴有妻子還鄉聞夫人在乃迎取而去年五十餘矣布裙蓋

臨別信符也

云農家那得有此女布裙離合節獨苦我尋舊

幅煙霧銷道著黃裳繫萬古錦袍金甲周將軍飄然長往音不

聞白首歸來亦何意月涼擬聽秋唱墳豈知盤錯根株存足風

幽谷揚蘭芬爺孃沒後女安託夕趨野樹晝趨郭毀形倏忽成

魑魅覓食艱辛采藜藿最是窮冬朔風寒冰天雪窖夜漫漫敗

葉任隨精衣捲修竹曾無翠袖單瘦骨百鍊鐵布裙猶牢結思

親泉下花斷腸望夫山頭石流血畢生倘弗將軍面從容義詎

怨貧賤沈埋故劍胡爲求蒼茫眞宰完璧酬女史荆布管彤煒

沉茲破布泣神鬼寸麻升葛天地經濯盡湘江九派水嗟哉藍

縷 褒丹綸七襄今化支機雲離布裙合布裙奇女乃有蘇夫

人土洲懷古

邑北五代梁震棲隱處

云吾邑沮洳環洞庭六朝始見今邑

名蕭簪偏隅曾置郡地無人傑安能靈嗟我祇隨草木朽歸養

苦饑復奔走昨者璿臺仙觀過勝迹欣逢土洲口層城縹緲凌

碧空碑承嶺鳳琳瑯宮大書荆南處士梁公退居於其中何年

舍宅以奉道公之隱見出沒亦猶龍廣明妖讖生羣凶岷峨遙

望悲途窮自稱唐時前進士同時亮節羅江東孤踪本軼塵埃

外豈容相混高無賴昔聞邑有離騷湖又有伍里鄰申胥荒煙

蔓草風景殊疑信空傳粉與榆孰若遺構巋然殿存魯寒陵况

東坡全集卷三
三
共片石語誅茅宋玉定如許此與鹿門足千古韋杜徒誇天尺
五我來但見秋澂皓月照公宇香送幽蘭滿公戶杯酒澆公荆
州土匹練橫飛劍起舞

龔隸湘

字星槎
官知州

星槎少有逸才不規規於繩尺爲文洸洋放恣不可一世佐唐
公鄂生軍由諸生薦授州牧

登獅子山有感云巉巖勢聳碧雲霄江上雄風撼夕潮南紀雲
開衡嶽近東陵波撼海門遙兵戈擾攘愁奔馬身世蒼茫感敕
貂翹首湘靈何處是千秋長憾水迢迢

王柏心

字子壽一字冬壽道光進士官
主事有漆室吟百柱堂集樞言

子家仕

相心幼警敏長通經史百家之言爲諸生時著樞言十七篇婁
縣姚椿益陽湯鵬儼于申鑒中論林文忠則徐督楚令諸子師
事之

邑志

先生品學高卓蔚然名儒釋褐還山養母當道交辟皆不赴同
治初元應 詔進經論封事得 旨存 宏德殿備 乙覽時
人榮之古文駢儷各體皆工而詩尤精孫芝房侍讀序謂雄麗
深博源出漢魏要歸於杜蓋確論也少作皆未存刊行者斷自
咸豐壬子凡時政之得失用兵之方畧具見於是卽贈答寫景
之章時露憫時憂國之意喜誘掖後進片善寸長稱誦不絕于
口海內以詩文求正者戶限爲穿曲成獎借無不滿意而去沒

後湘陰爵相奏奏請入 國史文苑傳近代文人言行相孚終始享令名而無慙似先生者鮮矣世居螺山當時學者稱爲螺山先生

彭漁叟曰吾鄉近代稱詩者自劉海樹孝長兩家而後首推子壽子壽於四方交游謳吟贈答恒無虛日以故四方之懷珠握玉者莫不挾一卷以贄於其門風雅所宗隱然東南一壇坫也陶樸云余之至楚也楚中士大夫無不譽子壽者旣而子壽來荆南與余相得益驩察其志恬靜寡營外和而內介其各體文皆工而詩尤雄秀峻整世皆以何大復目之子壽益退然不以自高所敦者行已之節所講求者古今賢豪之出處政事設施

之本末其意欲有所用於當時非止爲詩人而已

余在京師讀子壽詩鍾聲鍊響有前明何李餘音楚北故宗鍾譚而公安一派人亦奉爲圭臬子壽不爲所囿殊可貴也集中有學太白者如送員八歸華陰云蓮花不可掇余欲躡蒼龍子去雲臺下門臨太華峯飛泉搖石月晴雪挂崖松爲我拂幽磴將期跨鹿從

奇心愈詩話

先生律詩步伐整齊音節高亮如寄唐子方先生云使君投袂起烟蘿壯志真如馬伏波 聖主頻頻 丹詔重老臣惟仗赤心多風雲大旆晨籌筆冰雪滄江夜枕戈早識功成辭上賞扁舟仍返舊山河以投袂起以扁舟收結構尤密尤爲七律典型

言志
詩集

張仲遠觀簪與先生文章氣誼當世無兩觀簪復于滬上先生
哭詩有槎懸博望天邊節聲散成連海上琴楚詞哀些成孤唱
吳語清談失此人句極沉痛苦雨云無石補天漏何人挽陸沈
陸沈天漏真強對也五律多沉著渾穆之作別有一種冲澹雋
逸置之王孟集中所不辨者曉渡裡湖前半云旭日破湖烟湖
光淨可憐客心喜蕭曠風物助清妍七次首入手云至潔不可
唾吾尤愛此湖起五字如置身冰玉壺中謂非仙才耶瓶隱齋
筆記
佳句如柳競晴皐綠花先戰地紅遙峯延落日疎雨送歸雲雲
根棲岫冷峯影倒江深離心將夜月流影度靈湖挾風霆四擊

穿雨電橫飛莽莽川原合沈沈天地寒涼月又將墮幽人殊未
米天圖平壤綠日浴晚波紅光到極清處興當孤往時渡走千
巖瀑江吞萬里天九天驚戰畧萬馬蹴秦雲袖攜五老月帆挂
九江雲奇傑多兵死朋游半國殤東風吹眾綠著意媚晴湖微
雲不捲斜侵漢涼雨無聲暗度秋閑中閱世成孤憤醉後論才
隘九州不必江郎工賦恨自然楚客易悲秋世事尙憂烽火赤
家山遙隔洞庭青披君藻思千重綺坐我松風萬壑陰燕約遠
青浮隴合柳搖晴絲過江來幾樹早花明戰地一江新水送春
愁送左官保西征云秦塞貪狼芒盡飲唐家回鶻運方衰感事
云不惜黃金填堡盡惟期白骨換功成赴難猶慚太尉尊眉

空幕管夷吾辟地浮湘同太史長歌入楚悼靈均烟雨時波春
泛棹風雷虎噬夜談兵皆格高調響經百煉千錘而成者

新安行云二十萬軍作降虜一夜盡化暴中土降將三人獨不
死秦人痛之入骨髓嗟乎秦人汝安知長平鬼吳常慙誰廟莫
大於殺已降古來蹈此皆天亡楚人屠秦楚亦斃子弟無復生
還鄉君不見入關約法父老喜長者西來作天子竟陵遇徐仲
韋云飛蓬相遇古滄浪短髮驚看漸欲蒼千里行吟雙涕淚十
年知舊半存亡天垂廣澤星辰大秋盡平原草木霜地下與生
嗟竟天如聞楚老泣蘭芳

自註兼
悼孝孺

寄春木文鄂州云七澤栖栖

歲已闌鄂王城下盛風端游談不慕燕烏集姓字將傳楚騷冠

永夜羈懷天地迥高歌江國雪霜寒羅含庾信猶堪訪寧佩期
君擢芷蘭大別山云一白山名題大別人心對面忽千重何當
橫剗山頭石更造人間會而峯禹跡初開誰送別湘娥去後總
銷魂山臨江漢流難盡疑是開天古淚痕

國朝正雅集

答耀卿云當風鼓瑤瑟嫋嫋朱絃音曲調亦何古江水亦何深
誰人爲此奏遶道貽朋簪峽江下荆渚連山多嶽岑江山杳無
盡離思浩難任烽塵暗南北戎馬猶交侵遊麟未服輓飛鳳不
在林豈無俊與傑草間多銷沈世難且未息安知真率心願言
保金石無事徒沾襟古詩二首贈黃生耀廷云翺飛萬羽族見
此孤鳳凰天生九苞采五色爲文章振翮必千仞一鳴中歸昌

石鳥愕且塊相與革其吭自從岐周來下逮漢興唐此鳥久不
至戢翼丹山藏萬象欲闔沒樂府無宮商孰知邂逅際觀此希
世祥我乃重此鳥羽儀邦家光誰其拜表獻致之阿閣傍昔我
駕車出北上黃金臺風雲何莽蒼寥落復歸來世事若網解安
安俄召災弄兵起赤子白骨邱山堆中夜每太息空悲年力殫
節鉞鬱相望撥亂何人哉昨者見吾子蘊蓄誠雄恢隱然負國
器被褐猶塵埃願言擴遠略經綸應雲雷文字不足役汨沒徒
堪哀縱然僂楊馬詎當公輔才枕上喜雨云空外雨聲猶未至
風聲已挾翻盆勢初聞浙瀝斷復連俄頃天瓢注平地犀軍萬
弩金鼓鳴鉞騎蹴踏沙場行漂疾震蕩未若此耳中但作波濤

聲帝命百靈夜奔走萍翳當前豐隆後海倒江翻萬瀑飛溝奔
渠溢百泉吼朝來老農定色喜喜見鷗鳬浴田水昨者稿禾今
更青秀色郊原鬱然起師克金陵志喜云空中赤燄流天闕天
狗隆隆河鼓間奔騰直度女牛次東南正墮金陵山獍穴梟巢
逾十載一朝天意付殪醢猛士休誇不世功黃金壑填骨填海
先是五月廿七夜天狗起河鼓下赤燄

燒空有聲隆隆東南墮滅賊之兆也

天生龍虎帝王宅豈汝

么麼敢稱逆跳梁自負頭觸山禍至安能逃裂磔赫赫朝廷

拱百靈妄矜詐力盜關屬妖腰亂傾何須惜徒使山川蒙穢腥
增陴累堞高至天塢金窖粟何連連怒行屠戮喜歌舞自謂坐
支年復年九天赤電燒蛇穴垂死豺狼自相齧冤魂雨黑無號

聲霹靂一震萬鬼滅捷書飛奏 甘泉宮何數周家江漢功告

廟賜醕頌 懋賞虎臣方晉侯與公兩宮歡顏慰 文母

陛下神龍復聖武 冲齡撥亂成 中興更望 憂勤法 聖

祖病中志暢云曰余遠攝養憂切倚闔心親老慈彌篤兒疎咎

實深自期歸信宿猶涉病侵尋小愈卽趨侍從茲跬步欽秋夜

聞蛩云微蛩爾何怨苦調夜方道訴盡古今恨吟殘天地秋金

牀回斷夢玉管報清謳壯士且悲咽何言兒女儔僧邱云名冠

中興將助高異姓王聞聲啼乞活卷甲蹴奔亡不覩騷除易誰

知殺伐張人言師過處隴畝自耕桑奉憶申甫師零陵云豺狼

仍率野麟鳳未歸 朝迹異衡山隱心甯魏闕遙潘輿隨轉徙

蔣徑任蕭條時有巖廊裏猶依北斗杓燿卿所業益進於古詩
以策之云駸駸駒隙度志士惜馳暉門外落紅滿不知花盡飛
淵懷超意象古義測深微力埽牛毛盡方成麟角稀舟次對月
云身外惟明月揮杯聊勸之古來人不見今者我爲誰光到極
清處興當孤往時長庚下窺飲吾醉亦安知卽興云草色乘煙
雨蒼然綠一山朝來擁新黛窺我雙扉閒靜聽鳥皆樂始知春
已還頓令清興發遊屐莫教閒留滯云萋萋芳草外迤邐帶煙
濤野暗綠無縫汀回雲更深悲歌消壯氣留滯損春心已是紅
芳謝何堪風雨侵至日抵家云老尙諸侯客文章詎療貧猶欣
長至節得作遠歸人雲擁松蘿翠天回竹栢春倚闌寬望眼笑

語慰慈親病聞鄂州水軍大捷云閉門節序丹榴發臥病滄江
白髮生忽報奇兵焚賊艦遙傳殘孽泣圍城天涯亂氣全當掃
枕上沈疴頓自輕未覺頽年殊少壯猶思淬劍往屠鯨悲歌云
唐家畿甸化爲烽不失河山四塞封猶幸江淮通轉運未妨關
輔闕租庸豈聞飛輓諸方便但倚滄溟萬里供廩廩軍儲籌不
易徒勞仰屋大司農趙佗臺畔啟戎機颶母風號海水飛軍似
棘門眞可襲節隨楂客竟無歸冠裳鱗介裏中雜城郭人民眼
底非欲斬長蛟無利劍空教志士日歔唏鑿空竒情鄂渚喧夸
艘入泊楚東門鮫人濯錦臨江漢鱣族移潭挾子孫百變水嬉
成學衍雙流天塹撤籬樊珠盤玉敦交驩甚鈴閣樓船送舉尊

登壇再起應河魁慷慨臨戎尙墨縑廬墓詔催鵬舉出收軍人
慶子儀來指揮立變旌旗色奇傑先羅幕府才破膽威名堪走
敵今看楚塞廓氛埃古愁云真人黃鉞下燕關於鑠神功宇
宙閒玉檢告天標日月金甌括地鞏河山千年文軌通諸夏重
譯梯航走百蠻列聖聲靈猶赫濯甄虞陶夏迥難攀天威無
外讐滄瀛誰料波臣敢弄兵跋浪盡驅蛟蜃族傳烽直薄鳳
凰城八閩郁尉環畿甸七萃戎車列禁營聞道柏梁臺盡燬
離宮炬火徹宵明家世陰山貴且強出身爲國壩櫓槍親
提代北沙陀部羣倚汾陽異姓王直奉心肝扶社稷不容鱗介
易冠裳捷書早晚迎鑾速送喜騰聲徧萬方贈余楷堂

楷堂
江都

人以避亂
客吾里

云二十四橋無覓處一千餘里未歸人暮年回首昇

平夢故里傷心戰伐塵鐵甲照殘邦上月瓊花吹斷廣陵春東
還莫作蕪城賦萬代千齡最愴神彭漁叟觀察還自成都出示
蜀中近詩題云三休臺下回帆泊萬里橋邊載酒還檄草未開
溟瘴癘吟毫猶壓蜀江山凌煙人詡飛騰速枕石天教歲月閒
盡敘經綸詩卷裏豈惟餘策足平蠻僧親王戰沒濟陰云威名
上將河魁宿貴族陰山日逐王忠慰 龍顏勞戰伐禍輕繇董
失周防飛書昨尙馳三捷猛士今誰守四方圖像麒麟終已矣
蹶蹄天馬竟摧傷徵兵朔漠度燕關鐵騎雲騰甲盡擐百戰澄
清半天下十年鋒鏑老行閒親聯肺腑 恩尤重志決身殲事

益艱涕淚誰扶天日月英靈長護漢河山寄洲甫雲梅醕夫耀
卿仲深云垂老滄江擊楫行征西幕下許論兵人言捫蝨無卿
此自笑屠龍枉技成天下風塵猶擾攘望中邱壑有豪英會須
痛飲章臺畔狂態雄談莫遽驚送曾沅圃官保謝病還湘鄉云
撐天七十二芙蓉下有湘流繞碧重間氣英豪能汗馬一門兄
弟總人龍棣華競耀千秋烈茅土同膺五等崇小耿威名如大
耿手提江表入堯封晚泊云墟落露沙尾榜人道可艤雲陰
垂遠蕪送綠一江水亂後志哀云二郡蕭然荊棘裏縱橫賊壘
徧郊垌鯨鯢血作江中水風雨寒濤不斷腥舟過赤壁云輕浪
東流故自閒烏林赤壁曉雲閒春風不管英雄事吹綠年年江

上山渡頭云楊柳依依覆渡頭清陰低護往來舟一壺幽綠無
入惜傾作連天碧玉流

家仕字信甫有形雲閣遺詩家仕誕時母感異兆生而有紫胞
之祥方髫鬢奇悟過人沈敏寡言風神四照皎如玉樹八歲其
母亡粵寇起舉家竄避兒亦荒廢失學比成童智識猶昏昏也
余初以廢才目之娶婦於江陵鄧氏甫踰冠忽銳意博覽載籍
自經史諸子百家衆說環奇怪瑋一切秘笈窮探力索鉤致融
會忘寒暑廢寢食不少休如是者五年乃始馳騁文字余偶見
其與人書雄直有秦漢間氣始大驚以太學生兩應鄉舉不得
志又悼亡黯然神傷得咯血疾猶力學如故黔陽唐鄂生廉訪

有知人鑒見而賞之許字以從妹遣使來迎扶病入蜀僅能成
禮再閱月疾甚乃攜新婦泛舟歸抵家七日而死兒初治古文
好經世學後忽置之治雜體詩及駢儷文不輕示人且多不留
藁死後余於綬孫所掇拾蒐輯得若干首曰彤雲閣者其詩也
曰絳雪齋者其文也兒嚮學稍晚而學成乃最速不假師友之
指授不蹈他歧之回惑獵微窮精僅五稔遂能頡頏千載跨越
羣流藝苑中拳旗陷陣居然見孫伯符李亞子之英風可謂異
矣節子壽先生
自撰家傳

子壽先生諸子皆饒家學工詩古文詞長孝會廣文

家

遇次仲興

文學

家

信甫其季也生而岐嶷材大氣豪清言屑玉劇似六朝

中人摘詞古艷亦兼徐庾之長先生尤愛之余與孝曾同客任
小沅中丞幕道義切劇二十年如一日每鄉試來鄂必延諸昆
季說詩論藝作竟日雅集信甫塵柄獨揮雄談驚座人望之若
神仙焉乃信甫先朝露仲興亦繼之猶幸孝曾無恙今試期又
值而元方不至詢其鄉人詎孝曾舊春已赴修文詔矣秋風永
隔腹痛曷勝輯信甫詩益不禁感舊傷逝老淚之琅琅 予於
子壽先生有私淑之誼而信甫平居論經史疑義與予尤有針
芥之合每偶聚輒流連而不忍別初以爲君固深于情者遽今
日竟踐身後定文之約耶痛哉

登黃鶴樓云斜陽江樹渺無極鸚鵡年年芳草碧危闌俯瞰藐

塵寰隱約梅花橫玉笛畫棟凌虛跨彩虹般倖巧與神爲功鳳
翥龍騫出霄漢呼吸已覺太微通興廢有時淚暗灑況復當時
躡銅馬飄零三戶等晨星天邊黃鵠飛難下庾亮陶公事偶然
繁華電捲速江煙江山文藻煥仍新東海近已桑爲田蜃窟蛟
宮迷漢水厝火積薪胡致此眼前風景可憐朝乾坤莽蕩悲歌
裏寄唐鄂生廉訪時駐師黔南云定遠君應燕領倂長纓已繫
夜郎侯霜飛虎戟長城峻月照熊旗大樹秋閫智囊儲三術畧
攻心籌著七擒謀中興年少推荀羨朱鷺歌翻競病儒丞相瀟
南五月勤千山赤羽射朝暉珣戈電掃三苗瘴鐵騎星飛六詔
雲緩帶風流羊大傳投壺禮樂祭將軍登壇頗牧紆宵旰武庫

文雄世罕聞再寄鄂生云衣錦題橋誇駟馬何如仗鉞駐歸驂

河山泣下新亭感兵甲曾饒武庫請焚音道捷馳天闕北弧

星威照夜郎南依劉幕府容王粲捫蝨思從座上談當關持節

比唐蒙却焚山河破碎中羽戚珉附敷帝德油幢玉帳啓

元戎方驚閩澤名標月待草陳琳檄愈風羣盜莫窺韓范壘尊

前形勢聚山同盜弄潢池絕徼攻相如馳檄早乘驄星橋佩虎

三刀貴露冕圖麟八寨雄表餌諸獠龍可參梯航重譯雉還通

磨崖頌媿無英藻待紀燕然漢將功詠史云景陽宮裏奈何春

朱雀航南莽戰塵六代蟠龍山祀蔣一時擒虎衆平陳堪憐壁

觀趨降虜定悔瓊花賦美人當水朱門亡國怨江都遺憾未爲

偷輓拂丈蔡小樓云零落朱陳果世婚山邱華屋慨生存泉途
暮夜芙蓉國寒雨秋江橘柚村縱有騎郎堪作詠幾曾騷客擬
招魂雞豚未醉喬元墓愁聽山陽笛到門呈張子衡廉訪云使
君撻節桓南郡飛將彎弧李北平萬里鷺湖歸講學三年龍塞
未休兵何來白簡成萋萋長有丹心答聖明小草何曾無遠志
東山還爲起蒼生湯輿云但有驚人句未工此行還負峽遊雄
屏空石骨環蒼兕浴日波光捲白虹暝色孤猿啼樹杪鄉心歸
雁入雲中吟魂怕問東流水日暮河梁任轉蓬又前半云霜風
獵獵拂征裘強半離情付酒樓日道飛泉趨海嶠千山殘雪照
梁州戲題畫蠨云瑟瑟西風颭稻芒一燈空照水雲鄉長卿沒

後文君寡任是無腸亦斷腸
夔門夜泊云血色羅袈玉色柔
夔州風月勝江州孤帆明發
青山道不載銀箏總載愁
酒痕襟上曉猶濃
回首雲山思萬重
好夢易隨流水去
清眠愁攪梵王鐘
霄漢觚稜闕闕迥江山
文藻亂離多霜前白雁寒
驚我月下黃花瘦
認君變楚風騷開屈賈游
梁詞賦重鄒枚

湖北詩徵傳略三十四卷目錄

公安

宋張景金侯大中

明王恂王軾何珊鄒文盛

成巳龔大器劉珠李開美

袁宗道子所年袁宏道子彭年袁道王輅

侯偉時毛壽登洪子彥

國朝馬芝陳文燦鄒養赤侯家璋

侯家光龔三捷李文清鄒美中子崇漢

沈賜鈞袁照釋巨峰

湖北詩徵傳畧三十四卷

公安

孝感丁宿章星海輯

子溥校字

宋張

景

字晦之
官廷評

景少從河東柳開游悉出家書畧之嗜學益力時富春孫僅沛國朱巖成紀李庶景與麗益聲華日振真宗詔有司計偕天下士景居首列調館陶簿坐累謫陳堯咨知其才薦爲寶應簿天禧二年卒著洪範王霸數十篇

楚寶

晦之師事柳仲塗學爲古文名震一時詩亦工麗有詩文集二十卷王禹偁所編并爲之序

晁氏讀書記

仁宗嘗召見景問曰卿家江陵地有何勝景對曰兩岸綠楊遮

虎渡一灣芳草護龍洲又問所食何物曰新粟米炊魚子飯嫩
冬瓜煮醯裙羹韵捷如此而風景土俗瞭然矣

明一統志

景以古學尚氣節走何朔與冀州一俠少游後俠者不執事敗
景亦株連捕之甚急遂改姓名李田遁竄四海所至卽題曰我
非東方兒木子也不是牛耕土田也欲識我踪跡一氣萬物母
蓋景嘗撰河東柳先生集序有一氣萬物母句世盡知之欲以
導所知也後終于一散官陳康肅堯咨憐其道窮爲葬之龍山
後裔凋零傷哉陸魯望所謂莫倚文章庇子孫也

湘山野錄

金

侯大宗

號損齋

大中金大定初應詔建醮授師號工詩有集二卷學士元善爲

之序

明

王

恂

字伯宣宣德進士
官祭酒有誠齋集

恂才名藉甚初入館選有廿八宿之目

寇公祠餞江編修還蜀云仙舟西去溯流遲江上還吟弔古詩
錦纜纔牽巴子國椒園先拜寇公祠垂楊烟鎖圍芳徑修竹雲
連長茂枝司馬名高濯錦里歸來猶記題橋時

王

軾

字用敬順天進士官
尚書贈太保諡襄簡

軾爲大司農時貴州苗婦米魯倡亂廷議進兵上曰欲紓南顧
憂非軾不可督師進勦親冒矢石賊遂以平楚詞錄云德業功
勛一時與劉華容大夏齊名洵一代偉人也

寇公祠云大事當頭只自知誰能協力濟艱危君王不肯爲孤
注宗社將應到色絲也有通天犀作帶更無插地竹生枝尋幽
坐微風望影山鳥山花總寄思

何

珊號梅莊宏治進士官布政

珊少有奇徵初官敘蘆道有能聲致政歸以詩酒著述自娛

送鄒司徒致政歸里有崇階要秩鄰三少全節完名更幾人之句

鄒文盛

字時鳴宏治進士官尙書贈少保諡莊簡有默庵存稿黃山遺稿

文盛性端凝器量宏遠夙爲王襄簡所賞識爲御史遇事敢言
以忤劉瑾出守保定及巡撫貴州適諸苗蠢動次第討平不妄
殺一人晉尙書卽乞白蓮莊構倦還亭與何梅莊詩歌唱和享

林泉之樂者八年始卒

寇公祠餞江編修還蜀云名在當時虜亦知北門鎖鑰寄安危
摧鋒聊試千鈞弩補衣應須五色絲奸骨已消炎海瘴忠魂猶
託渭川枝崖州咫尺還相遇天道分明可再思

成

已

字仁卿諸生
有七洲詩集

已少有奇氣家貧力學工詩少所屈服與江陵相有舊腐書猶
字之至京江陵留飲時貂蟬盈座已踞坐不少讓江陵頗爲難
堪一日酒後登禁城樓狂呼大詈當事有司繩以法遂解回籍
極受窘促而奇情逸致終不少貶

鄧史

南遊舟中寄呈鄉友云南遊烟水孤帆遠百里長風破浪輕舸

驚飛鳬行處狎岸花汀草望中明漁舟未合藏身世酒肆從教
識姓名回首故人休見訝滄浪早晚濯塵纓懷友人云懷君不
見苦低垂漫倚瑤琴寄所思天遠幾時靈劍合月明無那洞簫
吹孤村碧樹劉郎浦淡日蒼雲寇老祠追憶同袍舊游地鷄鳴
僧榻夢回時江上值風云風色清秋發河聲白日懸舟航渾泛
海波浪驟兼天萬死蛟龍狎孤誠魍魎憐不才非砥柱何以濟
商川誦趙大州先生紫山之句奉懷云憶別江州杜若青題詩
何處訊山靈天涯逐客無消息嶺表傳書竟杳冥炎海三年披
瘴霧秋霄萬里動文星湘流不盡憂時淚賈傅何堪哭漢庭曉
渡臨江驛館云衝泥曉向臨江館山翠飛來濕酒旗千里飄零

春欲暮十年奔走路多岐閒雲擁樹鴉棲靜流水分橋馬度遲
明日章華一回首洞庭瑤瑟不勝悲

龔大器

字容卿號春所嘉靖進士官布政

大器爲諸生時卽拓落有大度家酷貧舌耕不給環堵蕭然于
于然畧無幾微佗僚性舒緩善詼諧雖至絕糧斷炊猶晏然笑
語其發奇中令人絕倒或橫逆之來人大不堪者怡然受之旋
卽不復省記以刑部主事爲河南布政使平易近民所之號爲
龔佛始若若久多去後之思時仲子舉於鄉季子舉進士拜監
察御史外孫袁宗道會試第一爲太史宏道成進士皆集於里
公以藩長致政歸年七十餘矣每至四節之會簪袍爛然時人

榮之公能詩與諸子諸甥唱和推爲南平社長一日孝廉御史偕同社及諸甥遊石湖以公老弗約已至洲拾石子俄見雪浪中有小船逃疾而下中一老翁踞胡床指麾江山旁若無人逼視則公也公於舟中大呼曰何爲遂棄老子也登洲卽於洲上舞拳數道以示勇諸人皆大笑極歡至夜深乃歸各分韻紀游公歸詩已成卽于燈下作蠅頭細字書之明日黎明遣使持詩徧示諸人俱以遊倦晏起不得一字無不翕服八十三無疾化游谷昇寺云憶昔尋春古寺邊而今楊柳隔晴煙上方鐘磬自朝夕客路琴書空歲年松月夜聞華鶴語隴雲長伴老僧眠幾時得遂青山約醉傍梅花草太元

劉

珠

字福井隆慶進士
官主事有疑庵集

珠故與張太嶽封翁同諸生相厚善及辛未江陵主會試珠始
登第年已七十矣太嶽不欲拘座師禮珠終以公義執門生禮
甚恭其壽太嶽詩有云欲知座主山齊壽但看門生雪滿簪太
嶽爲之莞爾

做帝齋常談

過襄陽云高城百尺倚雲霞夾道垂楊盡宿鴉春雨綠添習池
水晚風紅落大隄花橋橫畫舫明江岸人唱銅鞮過酒家景物
不殊鄉土近高堂猶自憶京華漁翁云白頭憔悴臥汀沙自卷
絲竿繫小槎爲問江河新禁釣始知征斂到魚蝦

李開美

字秋庭泰昌舉人官知
州有治略詩文諸稿

開美少以文章名由郾縣遷壽州政聲甚著雖簿書叢雜不廢吟嘯嘗有句云五年作吏腰千折萬里歸來鶴一隻益自況也

袁宗道

字伯修號石浦萬歷進士官庶子贈侍郎有白菰齋集

子所年

宗道初生之夕祖母夢一美人首自天飛來若今所畫天人菩薩之飾寶髻交垂以襟承之甫覺而宗道生生而慧甚十歲能詩喜讀先秦兩漢之書是時濟南瑯琊之集盛行一閱悉能熟誦甫擬操觚卽肖其語性耽賞適文酒之會夜以繼日踰年抱奇病幾死有道人教以數息靜坐之法有效閉門息觀棄去文字障遍閱養生家言是時海內有譚仲舉之事者先生欣然信之謂神仙可坐而得移家長安里中栽花蒔藥不問世事癸未

父強之赴試行至黃河而返還至荆門舍於逆旅夜半夢有神人語之曰公速起吾老人爲公特來微以杖敲其足足隱隱痛擁被大呼而出甫出屋崩床碎爲塵人以此識先生非常人然先生亦翻然若有所悟曰吾其以幾死之身修不死之道也習靜久體氣愈充父謂之曰昔淨名依於忠孝自古之冲舉者豈盡枯槁耶曰諾始拈筆爲制舉義窮工極變丙戌遂舉會試第
一年甫二十七官翰林求道愈切逾年偶於張子韶與大慧論格物處有所入急呼中郎與語甫擬開口中郎卽躍然曰不必言相與大笑而罷至是始復讀孔孟諸書乃知至寶原在家內何必向外尋求因著海蠡篇纂白樂天蘇子瞻爲人所之以白

蘇名齋居官省交遊簡酬應栽花種竹掃地焚香而已性嗜山
水燕中山刹及城內外精藍無不到遠至小方小西天之屬皆
窮其勝詩清潤和雅文尤婉妙書法遒媚畫山水人物有遠致
作小詞樂府依稀辛稼軒柳七郎風味舊有傳奇二種置之笥
中爲鼠子嚼壞鳳毛龍甲不存於世可爲永嘆

嘉靖七子派盛徐文長欲以李長吉體變之不能湯義仍欲以
尤蕭范陸體變之亦不能也王百穀王承父屠長卿雖迭有違
言然寡不敵衆自袁伯修出服習香山眉山之結撰首以白蘇
名齋旣導其源中郎小修繼之益揚其波由是公安流派盛行

于世

靜志居
詩話

宗道四十二卒于官以光廟東宮舊學贈禮部侍郎予祭葬自
少職度清寔其學儒墨雜進爲人修潔屢卻百金之餽及卒囊
無一錢故舊爲之營歛萬歷丁戌間有東倭關白之警時議封
貢歎曰石尙書其不免乎李卓吾刻藏書成曰禍在是矣已而
皆驗有二弟曰積勲宏道儀部中道時稱公安三袁當宗道在
詞垣正王李詞章盛行之日獨與同館黃昭素厭薄俗學於唐
好香山於宋好眉山名其齋曰白蘇所以自別於時流也其才
或不逮二仲而公安一孤實其所開云

列朝詩
集小傳

遊百丈泉云青嶂峩峩赴郢中寒泉飛處鬱提龍諸天晴灑千
林雨六月涼生萬壑風小入傍崖驚浴簾斜穿曲磴挂飛虹片

時倚徙翻成惜只合移家老此中懷南平社師友詩云風神直

似壯齡時鶴髮丹顏古接羅此日南平白社長當年中土紫薇

司燈前歷歷蠅頭字篋內翩翩近體詩江月江花時共賞非仙

非隱使人疑

外大父方伯公

少年經術兼詞學中歲空門又道家服藥

前身應許遜博聞夙世定張華懷中明月珠堪售望裏神仙路

不賒只恐鳳池須綵筆難從勾漏問丹砂

孝廉舅惟學

懶慢人間惟

叔夜閒居膝下似安仁雲霄調外沉冥客花月尊前感慨身圃

學東陵瓜欲結家通北渚蕙堪紉長卿此日游將倦醉月吟風

幸托鄰

侍御舅惟長

前年羽獵獻長楊歸去三湘問雁行作賦麗如

袁彥伯通經精似蔡中郎角巾領袖高陽侶塵尾憑陵俠少場

夢草真堪對小謝種花無那去河陽

中郎弟進士

卻憐射虎人難偶

祇覺雕蟲技益工白日悲歌燕市筑青春失意楚人弓隴西不

媿稱金友僕射從今避火攻如此無官窮亦得高名誰復杜欽

同

小修弟文學

袁宏道

字中郎號石公萬歷進士官部郎有蕭碧堂瓶花齋破硯齋敝篋等集

子彭年

宏道母夢月人懷故小字月少時卽具倍年之覺母卒不數哭
一哭卽痛絕人以是知其有隱慧焉總角工爲時藝入鄉校年
方十五六卽結文社於城南目爲社長社友年三十以下者皆
師之奉其約束不敢犯時於舉業外爲聲歌古文辭已有集成
帙矣舉進士不仕與兄宗道還里居石浦偕外祖春所龔公及

男惟學惟長輩終日以論學爲樂揭爲吳縣令妙於得情一
縣大治宰相申公時行嘆曰二百年來無此令矣予告得請走
吳越覽西湖天目之勝觀五泄瀑布登黃山齊雲戀戀烟嵐如
飢渴之於飲食時與石簣諸公商證遞相取益而閒發爲詩文
俱從真源中溢出別開手眼一掃王李雲霧天下才人文士始
知疏濬心靈搜剔慧性以蕩滌摹擬塗飾之病其功偉矣城南
得下窪地可三百畝絡以重堤種柳萬株號曰柳浪潛心道妙
閒適之餘時有揮灑皆從慧業流出新綺絕倫而遊展所及如
匡廬太和桃花源皆窮極幽遐發於詩文烟嵐溢毫楮閒蓋自
花源後詩字字鮮活語語生動新而老奇而正又進一格矣入

都補驗封司主事會吏私一姻戚已罷官而仍留之曰如此則銓柄盡歸此輩矣令兩隸持之入刑部卽繩之以法冢宰孫公知公爲大用器甚重之旋給假南歸定居沙市治樓曰硯北取段成式杯瀝之餘常居硯北意也卒年四十三海內知己謂其識如王文成膽如張太嶽而不逮下壽以歿天下惜之龍湖李卓老謂其識力胆力皆迥絕于世眞英靈男子足以擔荷天下之事其相推重如此

明史文苑傳

宏道宗道弟年十六補諸生卽結社城南而爲之長間爲詩歌古文有聲里中成進士歸益下帷讀書除吳縣令聽斷敏決公庭鮮事與士大夫談說詩文以風雅自命已而解官去起順天

教授歷國子助教吏禮兩部主事移病休沐不數月卒於家

列朝

詩人
小傳

傳有言琴瑟既敝必取而更張之詩文亦然不容不變也隆萬間王李之遺派充塞公安昆弟起而非之以爲唐自有古詩不必選體中晚皆有詩不必初盛歐蘇陳黃各有詩不必唐人唐時色澤鮮妍如旦晚脫筆硯者今詩纔脫筆硯已是陳言豈非流自性靈與出自剽擬所從來異乎一時聞者渙然神悟若良藥之解散而沈疴之去體也乃不善學者取其集中俳諧調笑之語如西湖云一日湖上行一日湖上坐一日湖上住一日湖上臥偶見白髮云無端見白髮欲哭翻成笑自喜笑中意一笑

又一跳嚴陵釣臺云人言漢梅福君之妻父也此本滑稽之談
類人於狂言不自以爲詩者乃錫山華聞修選明詩從而擊賞
歎絕是何異美蘇合之香取蜚蜚之轉耶仲弟小修云錦帆解
脫意在破人執縛間有率意游戲之語或快爽之極浮而不沈
情景太真近而不遠要出自性靈足以蕩滌塵坌學者不察效
顰學語其究爲俚俗爲纖巧爲莽蕩烏焉三寫弊有必至非中
郎之本旨也

靜志居
詩話

鍾伯敬曰今稱詩不排擊李于鱗則人爭異之猶之嘉隆間不
步趨于鱗者人爭異之也或以爲著論駁之者自袁石公始與
李氏首難者楚人也夫于鱗前無爲于鱗者則人宜步趨之後

于鱗者人人于鱗也世豈復有于鱗哉勢有窮而必變物有孤而爲奇石公惡世之羣爲于鱗者使于鱗之精神光燄不復見于世李氏功臣孰有如石公者今稱詩者遍滿世界化而爲石公矣是豈石公意哉

錢受之云萬厯中王李之學盛行黃茅白葦彌望皆是中郎昌言排擊大放厥辭論出而雲霧一掃其功偉矣特機鋒側出矯枉過正於是狂瞽交扇鄙俚公行竟陵代起以淒清幽獨矯之而海內之風氣復大變 陳臥子云石公才情本自流麗 沈山子云牧齋尙書論詩派之壞動以何李王李並舉以愚觀之王李可非何李似難輕議袁中郎詩云草莽推何李卓爾良足

師則中郎亦不專非何李矣

大抵物真則貴真則我面不能同君面而況古人之面貌乎唐自有詩也不必選體也初盛中晚自有詩也不必初盛也李杜王岑錢劉下迨元白盧鄭各自有詩也不必李杜也趙宋亦然陳歐蘇黃諸人有一字襲唐者乎又有一字相襲者乎至其不能爲唐殆是氣運使然猶唐之不能爲選選之不能爲漢魏耳今之君子乃欲概天下而唐之又且以不唐病宋夫旣以不唐病宋矣何不以不選病唐不漢魏病選不三百篇病漢不結繩鳥跡病三百篇耶果爾反不如一張白紙詩燈一派掃土而盡矣夫詩之氣一代滅一代故古也厚今也薄詩之奇之妙之工

之無所不極一代盛一代故古有不盡之情今無不寫之景然則古何必高今何必卑哉 詩則不肖聊戲筆耳信心而出信口而譚世人喜唐僕則曰唐無詩世人喜秦漢僕則曰秦漢無文世人卑宋黜元僕則曰詩文在宋元諸大家昔老子欲死聖人莊生譏毀孔子然至今其書不廢荀卿言性惡亦得與孟子同傳何者見從已出不曾依傍半箇古人所以他頂天立地今人雖譏訕得卻是廢他不得不然糞裏嚼查順口接屁倚勢欺良如今蘇州投靠家人一般記得幾箇爛熟故事便曰博識用得幾箇見成字眼亦曰騷人計騙杜工部囹圄繫李空同一箇八寸三分帽子人人戴得以是言詩安在而不詩哉不肖惡之深

所以立言亦自有矯枉之過公謂僕詩亦似唐人此言極是然
要之幼于所取者皆僕似唐之詩非僕得意詩也夫其似唐者
見取則其不取者斷斷乎非唐詩可知既非唐詩安得不謂中
郎自有之詩又安得以幼于之不取保中郎之不自得意耶

蘇公詩無一字不佳者青蓮能虛工部能實青蓮唯一於虛故
目前每有遺景工部唯一於實故其詩能人而不能天能大能
化而不能神蘇公之詩出世入世麤言細說總歸元奧恍惚變
化無非情實蓋其才力既高而學問識見又迥出二公之上故
宜卓絕千古至其適不如杜逸不如李此自氣運使然非才之
過也今代知詩者徐渭稍不愧古人空同才雖高然未免爲工

部奴僕北地而後皆重儷也 蘇公詩高古不如老杜而超脫
變惟過之有天地來一人而已僕嘗謂六朝無詩陶公有詩趣
謝公有詩料餘子碌碌無足觀者至李杜而詩道始大韓柳元
白歐詩之聖也蘇詩之神也彼謂宋不如唐者觀場之見耳豈
真知詩爲何物哉 文章新奇無定格式只要發人所不能發
句法字法調法一一從自己胸中流出此真新奇也近日有一
種新奇套子似新實腐恐一落此套則尤可厭惡之甚然弟所
期於兄實不止此世情當出不當入塵緣當解不當結人我勝
負心當退不當進若只同尋常人一般知見一般度日眾人所
趨者我亦趨之如蠅之逐羶卽此便是小人行徑矣何貴爲丈

夫哉 少陵真法魏晉者坡公真法班馬者若直取其形似是
今之多髯者皆孔子而面如瓜者皆臯陶也

中郎說詩
續六則

梨雲館摘句圖

青溪六七里白拾兩三人 竹裏乍香新茗枕榻前猶藉舊荷衫

江通夔子國潮打武侯祠 幾年夜雨慈恩寺十度春風奈子花

文章妻子怪姓字友朋嗔 且與共聽幽澗水休教驚散隔溪雲

乾坤東逝水車馬北來塵 野鶴神清因骨老鴛鴦頭白爲情多

高天鴻鵠舉世路馬牛呼 心如止水堪容月身似寒林也著花

騷雅命難達江湖迹易孤 甘草雖甜終傍苦蜘蛛縱巧不離羅

世事窮來見文章病後工 空岩壁冷長留雪古屋雲昏尙璫龍

黃金憎賦客青眼謝時人
山臞未老身慚鶴雪頂歸來杖有龍
水纔驅熱去月適送風來
消愁莫問弓蛇影對境聊觀夢幻身
樹老春無態雲生山有衣
好事每揮林下塵清齋長試雨前茶
鄉心隨日暮望眼盡天低
數莖白髮春前長一點青巒雨後真
海濶羈魂度天昏怪雨來
興來學作春山畫病起重賤秋水篇
禮法讐狂士乾坤侮秀人
青山不許談新事白鳥如曾狎故人
山月領歸棹江雲湊晚潮
楊邊石骨抽枯笋盆裡松根露淺山
檢藥神方少疏經悟語多
夢裡風窗聽似語山中烟樹念如人
閉門春草長高枕白雲驕
低棋動欲求先著鈍鳥焉能不早飛
官意如霜草鄉心折晚鴻
螢火幾時能脫腐醯雞無日得離醎

琴孤將贈客鶴慣不疑人
便與青山堅作誓免勞白水更移文
夜月呼山鬼秋墳咽楚歌
柳態美如新櫛髮山容親似遠歸人
管庫名伊呂閉門讀老莊
率爾扣門常悞姓偶然題壁不書名
白石連雲煮青芩帶雨鋤
幾回寺裡尋花去獨自江頭看水還
放開雙孔眼閱盡一時人
孤塔自來當河口高僧相過說廬山
霸氣吳宮盡潞聲震澤秋
避客偶然拋竹屐邀僧時一上花船
痛民心似病感事淚成詩
鑿窗每欲當流水詠物長如畫遠山
銀塘驕水鴨羅幄護風蘭
花前屢泛攢愁酒架上聊存引睡書
橫將無厭雨淹殺有情春
殘帙有芸猶被蠹空闌無藥亦招蜂
秋水人人月春風面面花
鶯花又作新晴看山水閑將舊譜溫

柳光吹綠烟溪雨作紅烟 春塘雨過波紋亂花塢風回蝶翅香
冥漠烟如醉空濛日帶青 天高未覺鵬營曠松老方知鶴夢長
小石含山意柔風寓冶情 清言屢射當場覆艷語頻勾隔座香
爲花常駐馬有字卽題襟 種蒔且收曾效子修花惟去最低枝
獵心生翠管治習露春詩 蓮葉漏中傾研汁木香花底讀方書
岩欹天古拙石瘦月高寒 發筠傍屋多藏鳥小市通江易得魚
風傳初稻信雨應熟梅潮 老至青山爲眷屬生來白社有因緣
兔葵傷故國狐粉嘯空台 漸老始知窮本草多閑方喜讀淵明
竹深存廢榻僧老話前朝 佳言屢似飛香屑往事真如釋故書
魚閑知浪靜鳥喜覺風來 老去無心防白髮衆中開口問青山

霞光紅漲壁水氣綠浮山
梨花雨漲春流急柳絮風香晝景輕
漁樵分氏族花果認支干
楚客由來衰鳳鳥漢郊何日狩麒麟
雲脚纔收雨秋容漸上詩
夫人南國空湘水處士東隣是采家
幽夢通巢鶴閑心繫沼魚
我已銷魂千里外那堪重別故鄉人
世情搔首過秋色閉門來
三湘踪跡枯藤杖二岳烟霞老布衣
寒氣衝筵入鄉心冒酒生
柳因有絮絲還在達到無心苦始休
入門花自媚出谷鳥先知
西風蘭杜香流水落日雲霞浣客衣
空潭不受暑野竹半捎雲
野店無人花自發秋江有路夢先歸
出人心猶在炎涼態已非
秋百年日月徒婚嫁萬里雲霄有網羅
不知今夕醉消得幾年愁
劍空孤匣聽龍泣客吊寒山有鶴歸

離鄉吳語變入詠楚騷多

征馬晚嘶梁苑月孤帆晴指洞庭秋

苦心真學者出世好男兒

桐陰恰好當窗覆柳色終宜近水看

薄俗論交盡秋風閱世多

落花拂面都如雪密樹宜亭不碍風

花猶香廢苑石莫話前生

老子本將龍作性楚人元以鳳爲歌

琴裡高山韵詩中瘦鳥吟

天下文章憐爾老瀟湘風雨動人愁

縱風生水態任月纖波紋

天下豈容知己二百年真上洞山三

好夢因涼得閑愁到水忘

白日共驚頭上雪青衣爭埽髻間塵

人歸烟雨寺春到海棠花

倦鳥早辭燕樹雪閑花又上武谿船

埋憂覺地小量恨與天長

月逐好懷來高人時有乞花書

閨月能通夢遶烽易入詩

潮湧天難定閑情多賦落花詩

夢惡憑奴解衣單借手溫
樹老夜屯風
窻前時有不歸雲

魚甯愁水濶鳥豈畏山深
花如失意人
苦雨閉門且自寫秋詩

雲開智者寺山表潤州城
雲澄天自澈月上海先明

茶好臨泉試松宜帶雪看
易消惟黑髮未了是名心

禪夢來清磬秋心動夜弦
夢回牛渚月書達敬亭雲

酒病花消去詩心竹引開

傷周生
吳人呼妓爲生云溪頭曾見浣春紗珠泊于今天一涯紫陌重

邀千寶騎青樓無復七香車美人南國空湘水處子東隣是宋

家記得西廊香閣裡餅花長插一枝斜小婦別詩云弱柳輕帆

快送人巫山原是女兒神願隨潑火清明雨洗卻錢塘十里塵

本事
詩

短歌燕中逢樂之律作云下馬一言不及暄寒昔年毛羽今日
肺肝我懷如痞君懷幾許登堂直視無心可舉明月浮空清霜
墮地將軍北園金吾西第羅屏晝掩金轡夜開呼盧射覆飛爵
流杯吾爲若舞若爲吾歌劍去龍沉逝將奈何情長刻短爐寒
火青歛尊亂筇誰是主人鵬飛九萬爲悒鳩笑我欲攜君連翩
海嶠別石簣云古今只四倫大抵缺朋友誰識楚越人萬里爲
奇偶我腸寄君心君心出我口覓同本自無異於何處有君攜
我如頭我從君若尾不是西看山便是東涉水誰家薄福緣生
此兩狂子受用能幾何苦他雙脚底不卽凡不求聖相依何覓

性命三入湖兩易令無少長知性命湖上花作明證別時衰到
時盛後來期不敢問我好色公多病氣噓爲風雲流爲水人之
小人天之君子鴨不能飛蚓不能躍泉哭非愁鸞歌非樂無曰
升天天卑於淵無曰瞰淵淵高於天卽佛卽聖非儒非禪能再
相從否若駕相思車當問白門柳哭臨漳令王子聲云窮冬夜
冷蘭烟黑死字傳來聽不得白日誰防鬼射人昏荒頗恠天如
墨憶昨與君發長安白齒青眉吐肺肝小杯擊筑大杯舞優兒
牙板角盤盤別來愁絕湘鱗字蠟花箋子無高翅銅雀臺邊萬
縷腸館娃宮裏千行淚麒麟蹶地青鸞叫不得生書得死報帝
前金管豈無人何必如花一年少天公錯注不回頭銀匣沉沉

地下愁漳水萬年嘶石馬虎號龍愁兩廢邱橫塘渡云橫塘渡
郎西來妾東去感郎千金顧妾家住紅橋朱門十字路認取辛
夷花莫過楊柳樹妾薄命云落花去故條尙有根可依婦人失
夫心含情欲告誰燈光不到明寵極心還變只此雙蛾眉供得
幾迴盼看多自成故未必真衰老辟彼後開花不若初生草沙
市觀競渡云金鱗坼日天搖波壯士揮旄鳴大鼙黃頭胡面錦
抹額疾風怒雨鬼神過渴蛟飲河貌觸石健馬走坂丸注坡傾
城出觀巷陌隘紅霞如錦汗成河妖鬟袖底出巾冠白顚髯下
立青娥朱閣玲瓏牕窈窕輕言倩語隔紅羅北舟絲管南舟肉
情盤景促歡奈何雲奔浪激爭撫掌亦有父老淚滂沱渚宮自

昔稱繁盛二十一萬肩相磨西酋中璫橫幾載男不西成女廢
校琵琶賣去了官稅健兒半負播州戈笙歌沸天塵捲地光華
勝較十年多耳聞商禁漸遲緩努力官長蠲煩苛太平難值時
難待千金莫惜買酒醺君看至德中興後幾人重唱天寶歌夏
日襍詠云最憐山氣爽徙榻傍窓紗徑僻能全草簾疎不障花
無疴常伏枕小兒爲煎茶堪歎東陵客休官始種瓜感事云湘
山晴色遠微微盡日江頭獨醉歸不見兩關傳露布尙聞三殿
未垂衣邊愁自古無中下朝論于今有是非日暮平沙秋草亂
一雙白鳥避人飛歸來云歸來兄弟對門居石浦河邊小結廬
可比維摩方丈地不妨揚子一牀書蔬圃有處皆添甲花雨無

多亦溜渠野服科頭常聚首阮家禮法向來疎江上云桃花春
水滿江頭獨擁佳人翡翠樓誰抱琵琶江口上聲聲彈出小梁
州經下邳云諸儒坑盡一身餘始覺秦家網目疎枉把六經灰
火底橋邊猶有未燒書別龔散木云梅雨濯江干江風細吐寒
紅亭一杯酒慘無主賓歡天風吹子墮倏忽送子還遊蹟如電
影閃爍太無端子曰爲官苦予嗟行路難各自相慰勞言言沁
心肝與子如林鳥升沉各羽翰別子如湍水東西異波瀾何如
一合併白首臭春蘭萍散有時聚雲老終還山江頭風日雨容
易凋朱顏小竹林云蠟屐先春試新詩倍日吟爲花常駐馬有
字卽題襟竹老雲辭去廊空月到深將何伴幽冷水響與柯音

細鳥藏宿葉幽花綴靜枝獵心生翠管冶習露春詩爲髮添塵
胃因寒罷講期貪嘖眞可去何事并除癡菊花影云一片籬花
譜吳綃墨未成何人工點染添我作淵明月浪沉沉路風香淡
淡情騷魂多念汝夢裏屈先生赤壁懷子瞻云夜深清拍嫺揚
枝驚起澄江白鷺鷥過客爭燒赤壁酒幾人曾和雪堂詩山民
自種元修菜石榻剛存乳母碑見欲鑄金範老子柳浪湖上拜
新祠暮春偕同署諸君子飲郭外云滑滑春流瀉縠紋嵐光映
照石榴裙今朝正許談風月何日相從問水雲細雨乍收山鳥
喜亂畦行盡草花薰海棠枝底烏紗側未覺飛觥到十分

袁中道

字小修萬厯進士官
即中有珂雪齋集

小修才遜中郎而過於伯氏郢中送春曲云總以堂堂去何容
緩緩歸隔溪鶯對語掠水燕雙飛野草香沾屐修篁翠溼衣山
花一樹好游女摘來稀七夕同彭長卿中郎云清談閒送可憐
宵竹戶斜通宛轉橋白水青林秋澹澹好風涼月夜蕭蕭貧來
野客傷時序老去詩人怨寂寥驚鳥不鳴更漏靜如聞銀浦弄
輕潮

靜志居詩話

中道十歲著黃山雪三賦五千餘言長而輕俠以豪傑自命窮
覽燕齊吳越之地歸學于李龍湖有志出世久困瑣闥萬歷丙
辰始成進士錢牧齋謂有多才之患朱竹垞謂其才不逮中郎
而過于伯氏皆定評云

遊青溪詩云儘有幽棲地堪怡草木年逢巖思結屋愛水欲求
田白黿石溪淨青螺壁影妍飛禽不到處猶自有樵烟遊便河
云十里濃陰路殘鶯佐酒卮過橋添柳色近岸損花枝頗憾舟
行疾偏嫌月上遲天皇蘭若在披草覓遺碑讀錦帆集寄卓老
云世事玲瓏說不周慧心人遠碧湘流都將舌上青蓮子摘與
公安袁六休六休宗道子贈龔散木舅謝諸生歸隱云黃鷄唱罷慘
無歡萬事勞人轉覺難君自愛看高士傳予今欲溺腐儒冠朝
耕西嶺雲千畝夜釣南湖月一灘身似閒鷗心似水纔離火宅
便輕安柳浪館云過橋三五次門徑宛村莊曲水纏茅屋深林
護粉牆雨煙荷葉徑風露稻花香未可全無事疏經也學忙武

昌坐李龍潭郎中云比來三食武昌魚今日重留靜者居我有
弟兄皆慕道君多任俠獨憐予尊前鸚鵡人如在樓上元龍傲
不除芳草封天波似雪捲簾對雨讀新書阻風登晴川閣予兩
度遊此皆以不第歸云苦向白頭浪裏行青山也識舊書生相
逢誰勝黃江夏不死差強禰正平天外雲山金口驛雨中楊柳
武昌城漢濱父老今安在只合依他隱姓名漢陽感舊云拍天
白浪淨無塵惟有孤巒塞去津芳草偏憐禰處士桃花不夢息
夫人江頭鼓柁機全息漢上題襟迹已陳屈指光陰今二紀無
情癡淚漫沾巾別須水部日華還朝云移沙取石貯輕舟清冷
何曾似宦遊春雪歌成辭郢里梅花落盡別揚州東風自護桓

公樹明月誰登庾信樓兄弟凋殘知己別枇杷門外淚交流渡
黃河云如雪寒沙千里平猛風雖靜浪猶驚草經青女全無色
鴈過黃河別有聲騎馬人無浮宅夢倚蓬忽動蕩舟情可憐廣
武山常在寂寞誰知監子名

彭年字述之號特邱崇禎進士官總憲入國朝督學廣東擢
布政有草間集史屑土風堂遺稿詩細官語等集十歲隨中耶
過廬山見其和詩喜曰此子律度似將來知詩者中耶兒可不
科第可不詩乎作詩多令屬和中耶晚年移居沙市地故佳麗
好狹斜遊常拉酒人服繡衣闌入青樓酒肆有小杜之風小修
聞而弗善也語江陵令撲賣之大憾乃發憤下帷舉於鄉數上

公車不第益復閉戶柳浪湖中究心經史足不出閩者數年咯血如縷不少息作爲文章深確有根據而韻度淹遠非區區舉子逐時高下博一第者也甲戌成進士授淮安推官彭年門第高華而文章能自豎立東南人士皆嚮慕之陞禮部主事纂修會典請假家居則益讀書作詩與友人毛壽登唱和假滿赴補上召對面陳欲於大河以南建立藩鎮如唐故事使便宜置吏各自爲守上首肯之改授禮科給事北都陷宏光立馬士英當國外結高劉等三鎮以挾制朝廷欲援引三案小人變亂朝政彭年疏陳三案始末分別邪正以逆折士英之謀時論建之士英黨阮大鍼等銜之特甚因諫嚴衛疏降級調外後避難播遷

由海道入閩爲時鈞致入粵雖屢受事任然念世難未夷每退
暑輒袒衣露頂坐風露中冀以病死彭年好學深思讀書務爲
精鑿雖兵戈搶攘中手不釋卷晚年詩益進指事言情博於故
實不爲浮歛一條王李叫囂蹈襲與近時幽冷佻小之音而中
郎瀟灑俊逸之風亦少減矣嘗謂公詩工於用事而波瀾未濶
故長於近體而躋於古然當其得意新異精穩卓有雅人深致
亦近所未有也爲人高簡意思不樂與俗人語意所不合寒溫
外但張髯傲睨而已

本傳

壬辰元日

余時尙羈藩邸
歲內得家信

云羈棲依舊隔年身過眼風光跡又

陳題句忽驚更甲子振衣猶憶上星辰烟深兔苑三冬迥歲晚

鴻音萬里新歸夢已隨梅信往青山應笑倦遊人喜門人程周
量舉南宮第一云提書萬里下江瀕往事曾驚相馬歎豈是吳
平先獲陸須知奚人定空秦銅駝棘裏花前客烽火城邊劫外
身風度一時推領袖中原文物曲江新

祈年字田祖號未央嗣爲宗道後天啓舉人有梅花奧集南游
草嗜古工詩喜施與事嗣父母以孝聞中年不祿鄉人惜之諡
曰文孝先生

水心崖云怪石貯盂作清供何異夷望繞巖側清濁二流映山
明五色之外更有色旦起細雨滴舸艚溪流可望不可卽舍溪
升巖路欹仄燕騰鵠湧失喘息以縑繫身始能行以手爲足始

能陟船入軫星十度中升顛更與軫星逼俯望前水與前山一
如蟻垤一溝洫聲光所得亦已深漫勞長年簡石墨岩下有下
石墨
舟老僧痛戒子命輕鴻毛搜奇特寄人云胎骨生來實木叉道
人披毳懶餐霞他時兜率閒揮塵勅斷天娥莫散花

王

輅

字以明貢生官別駕
有小竹林詩文集

輅十歲能屬文稍長卽契無生之旨中郎小修皆肄業其門一
時如李卓吾陶石簣袁伯修俱爲性命交甫任別駕卽歸茂林
著書以高逸自處崇禎初遺予上萬言書上頗嘉納嗜詩功力
湛深譚友夏爲序而行之

侯偉時

字異度號令
邱崇禎進士

偉時少卽介然自異訥于詞辯然丰姿標舉義所不可輒勃發
不可遏北都破走湖湘從永明王于武岡授太常兵敗被執誘
降不屈死節甚慘

臨難詩云天平人事苦難留眉鎖滄江水不流鍊石有心嗟一
木臨湘無計慰三洲河山滿目風悲角冠冕懷人雨溢秋盡瘁
不成身已逝年年鵲血染皇州

毛壽登

字恭壽號廊庵崇禎貢生官主事入
國朝爲天津監司有廊園詩集

避亂湖中過報慈寺云乘閒訪老宿意象不無神梵誦魚龍度
威儀虎豹馴接機摻小艇避難託羣身獨放桃花色莊嚴剗外
春

洪子彥

諸生

先主營云漢家中葉幾凋枯
帝子稱戈起義圖
一代史才空右
魏千秋憾事失吞吳
烟生斷岸平
蕪合日落荒村
舊壘孤極目
江干嗟往事
蕭蕭苦竹間黃蘆

國朝馬

芝

號紫崖順治進士官
知縣有紫崖詩集

送周來公之任云
文氣日凋敝
吾子特善鳴
因茲濂洛後
暗室一燈明
懷道不自私
君子尙其貞
勉莫爲仕貧
冰雪甯錚錚

陳文燦

字含輝康熙進士官
知縣有寔齋詩文略

文燦性樂易與物無競好學工詩

行宮應制賦得佳氣滿山川云
洛道東巡玉輦來
出關紫氣

望中開恩高嵩嶽雙峯靄澤滿黃河巨浪催是處細縑縈綵仗
無邊景色接仙臺休徵自應昇平象遙聽懽呼徧草萊

鄒養赤

字幼心順治進士官知縣

養赤小有才名碑版文字一時無兩侯偉時墓銘云生不必其
不朽死不必其不壽孰重孰輕孰先孰後苟不愧其晶白之心
而何患乎悠游之口亦可以概其生平矣

晚歸云江城漁價減日落獨歸船遠火如浮水孤村不辨烟書
聲出竹裏酒客聚花前隔岸時驚犬開門月在天

侯家璋

字禮南官知縣

家璋少耽吟詠令有政聲詩各體皆工石首張銘謙評之曰其

風雅本乎性情感慨深于閱歷雄直悲涼之氣則得于江山之助惜未訪其集而錄之

侯家光

有偃蓋山房詩賦草

柳浪懷古云柳浪湖上柳如烟柳浪湖下浪接天浪花柳絮交春色沿湖多泊釣魚船可憐湖岸釣魚翁去來打槳浪花中豈知浩渺烟波裏當年曾此住袁公我聞昔日油江口三袁弟兄耽詩酒湖邊特起水心亭陶潛門外多種柳伯修小修擅文詞中郎更具開天手天馬行空不可羈遊戲騷壇世罕有三百年來景物非人去亭空水四圍湖山如故今誰主碧浪惟餘鷗鷺飛白鷺沙鷗紛起落九原才子不可作東風吹送碧參差畫棟

雕梁成蕭索君不見柳枝猶是舊腰肢萬縷千條瘦不支誰載
詩人踏浪去月明重認舊鬚眉

龔三捷

萊公祠古竹云寂寞修篁冠相祠春風猶發舊時枝
蕭蕭竹卽是羊公墮淚碑

李文清

月夜獨坐云水國波平夜氣清客情無那漏三更金風故故催
殘夢揉碎芭蕉作雨聲

鄒美中

字華亭自號西林山人貢生有燕石藏稿唐詩中
聲集西林襍著華亭韵通切韵表音韻支折史志

舉要
子崇
漢

美中少孤能讀父書年三十卽謝舉子業肆力詩古文詞嗜書
多搜善本日坐二分水竹屋中丹黃不去手于經義說文韻學
多發前人所未發貪奇多識且旁通天官家言製中星儀星漢
平儀辨古今之垣宿攷中西之異同著述凡十餘種均不拾糟
粕能成一家之言于崇泗崇漢能傳其學

西林偶題云閉戶絕塵想檢點齋中書白雲如過客明月落前
除羲皇今已遙古道一編餘卽此愜幽興心游天地初偶讀昌
黎凡爲文辭宜畧識字二語感賦示崇泗云古文重小學六書
掌保氏相沿及漢代篆隸備六體說文編叔重宮商分呂李聲
音析微茫點畫判形似如何泊於今字韻垂元始南北各殊風同

文而異軌嗟余徒好古終歲鑽故紙小學書研尋於中悟至理
岷山九派分發源濫觴水黃河天上來星宿濁浪起東注渺無
涯滄海爲之委由委而溯源有本乃如是江河無本原斷港絕
潢耳登高必自卑行遠必自邇勉旃復勉旃養正基於此 醉
賦云上下三千年縱橫九萬里韋曲杜陵文物盡紛紛古人呼
不起出門一笑向青天飽蘸新墨弔煙水晚發御路口云劃出
滄江路歸舟落照邊天空秋在水客久日爲年薄暮催帆急中
流得月先誰歟羨魚者獨自釣寒烟春日簡易松濤云短長亭
畔話離筵小別匆匆動隔年消息難忘分手日光陰又到賞花
天交從淡後眞如水人在春中半是仙步履東風盤馬地海棠

一笑柳三眠春感云東風未惜馬蹄遙踏破青山路幾條送遠
不堪南浦水銷魂況上潮陵橋鶯爭出谷綠求友柳不迎人亦
折腰憶得杏園春豈永賣花聲裏是今朝題管清軒澤年禮南
詩存云嫋嫋秋風撼素波江皋馳馬竟如何窮途淚向愁中盡
憶舊詩於別後多山鬼猶然依薜荔美人空自舞婆娑繁絃急
管聲聲唱不是離騷卽九歌秋日餞涂東洲雜揚東歸云東去
江流悵逝波烟塵况復屢經過氛通三楚關山暗秋入重陽風
雨多是處黃花爭晚節幾人赤手挽長河亦知兒女英雄淚不
洒別離奈別何江漢曲云花開不見郎花落郎纔到花落復花
開郎情太顛倒別雷松堂瑤儀云行行重行行長短亭邊路一

笑對斜暉風吹烏白樹晚步沙湖云落照斂殘魂土花凝瘦骨
蒼涼一片秋山鬼哭明月春閨云庭種合歡樹窗開並蒂花憶
春春到否春色在兒家書懷云星辰握手三層閣肝膽酬恩七
寶刀香草美人何處是小窗燈火讀離騷無題云高樓西北連
天起孔雀東南傍日飛醉倚春風尊舊約垂楊深處綠成圍秋
水白蓮能解語春風紅豆最相思一生贏得淒涼在月落參橫
夢醒時大河灣竹枝詞云伯勞飛燕各西東昨日今朝事不同
江畔一聲泥滑滑儂家愁雨爾愁風斜風細雨恰春初釣得雙
雙赤鯉魚底事故人音信斷腹中不寄數行書煙波江上盪輕
橈一半春愁不上潮忽聽吳娘相憶曲風風雨雨度花朝佳句

如君自能文焉用隱世無可語肯言才醉中合唱還家樂病後
轉愁行路難一夜東風吹別夢十分春色壓征鞍東風屈指當
三月舊雨關心又一年人來舊巷斜陽外秋在寒林落葉初皆
一片性靈不假雕飾

崇泗字學源號魯溪貢生有桃花山莊詩草少負材不羈父以
禮嚴折之始就範益憤志力學所爲詩古文詞無不根柢經史
祖述風騷乃困于一矜致名不出於鄉里惜哉

題鍾馗圖云雄在心威在目拔劍一顧百鬼懾服視尋章摘句
之進士抑何碌碌題扇云天風勢震盪大海波濤壯一鶴橫空
飛羽衣淩滂泱仙人坐仙槎漉酒心彌曠閑揮白羽扇遙指青

冥上題桃花源記後云非秦漢魏晉之世是無懷葛天之民先生獨有千古後此何從問津小市晚歸云離卻塵囂地飄然策蹇還早涼新入樹落日半銜山林暗昏鴉集花疎白鷺閒前溪閑畫本流水響潺潺夜渡漢江云天空夜氣浮乘興下鄂州帆指西樓月水泛漢江秋回首七百里繞城萬餘舟蒼茫人獨立鷄唱五更頭和張江陵閑居詩云神龍未變蟠泥日黃鵠初飛刷羽年豈有雄才甘隱遯斷無名世作神仙金針好補千絲袞奇石能完五色天休道順風收纜易詎真容易說歸田春日卽事云不衫不履步村莊愛逐輕鳬過野塘春水有波隨意綠好風吹送菜花香

宗漢字雲章號星溪道光舉人有辛畦居士稿性穎悟文有奇
氣語多寄託尤長于詩喜讀屈子離騷庾子山哀江南賦故詩
多哀怨感憤有亂離兒女翻成累落拓文章那見功之句卒以
善病早逝

讀莊云山以木自冠膏以明自煎楚楚塗中龜曳尾僅自全咄
咄櫟社樹不材終天年斯言類矯激慮周理無偏巧者禍之根
拙與福爲緣卑下水所鍾高明鬼垂涎已矣勿復語吾將幾自
然贈汪仲閔以劍云有客翩如南飛鵲飛飛不住何處樂東風
一炬肆摧殘毛羽凋零氣蕭索汪侯意態秋雲高東風結客皆
雄豪屏開雲母燒高燭酒壓珍珠滴小槽有時醉宿平康里日

高酣眠呼不起巫山高處一段雲桃花潭下千尺水豈知歡樂
成憂患轉眼浮雲多變幻黑山白波捲地來昔日歌舞今塵埃
黃鶴晴川渺何許羈愁萬斛撥不開相逢何事輒淒絕不信芳
華遽銷歇羽書昨夜飛荆山竟陵毛賊就撲滅從此擴清江漢
塵高參戎幕資勲烈男兒身不平賊歸無家願將腰劍靖風沙
安能鬱鬱作羈旅坐擁愁城泣風雨贈張虔齋致誠云行路難
如此逢人喚奈何風塵滿天地身世阻兵戈白髮垂垂老青春
寂寂過相思不相見鎖日淚滂沱報慈寺夜起云夜闌不成寐
起步出前楹斷木疑人立微風誤雨聲境如僧入定心與月同
明萬木蕭森處啾啾一鳥鳴舟行云野望何空濶舟行任往還

天光低墮水湖勢遠吞山身外名皆淡鷗邊夢亦閒老漁相狎
慣把酒一開顏湖堤漫興云人生行樂耳吾道是耶非鷗鳥頻
頻狎鱸魚漸漸肥江湖年老大風雨願乖違且趁扁舟興還家
自歛扉

沈賜鈞

塔岡廟云蕭寺何年傍古驛收剔殘碑無片石相傳真武自西
來曾於此地卓雙錫又傳明有進士公自言家住洱海東維時
張李氛正惡慎黔蜀道梗未通祝髮寺內棄桑梓題額西崑走
筆鋒高僧因緣結香火廟貌因之愈穹窿百年剝蝕驚風雨殷
宇荒涼啼鼯鼠居士擲取黃金輒轉眼丹堊復舊觀吁嗟乎我

不佞佛佛亦得恰有禪機向佛說自來禪語比水傾惟有因緣
理最澈安知自前衆蘭陀非即當年舊檀越我作蓮社客讀書
近十年既無坡公玉帶贈佛印又無白傅詩集藏佛龕只合捉
筆題句溯緣起留此飛鴻指爪一參西來禪

袁

照字萬皆諸
生官同知

過長湖云懸帆向東北行行六十里水濶天漸低風輕雲將起
回顧湖上村如墜煙波裏漁舟若泛鳧四望無所倚生涯奚足
論差可適其體我來掉輕舸浮家愧難比欲藏萬卷書無畫終
輸米何日解征帆行歌安素履

巨峰

別號吟蒼有
吟蒼詩草

巨峰暑歲卽落髮住二聖寺工詩予刪存其半後有續江湖小
集如陳江錮者當采入高僧詩選中巨峰餅益徧天下而負性
傲岸所至輒齟齬入京師與明燮虛中曉堂諸老宿遊調梅語
錄中載其詩卽都門所傳之禪餘偶集也旣困游而歸年已八
十見客從不道一字予屬寺僧伺暇日具紙筆諷令追錄舊作
記憶雖小誤差幸篇章完具今刪存者是其底本也

節劉士璋
撰詩序